

四庫全書

子部

欽定四庫全書

格致鏡原卷九十八

大學士陳元龍撰

昆蟲類三

蟋蟀

附絡緯

竈馬

油葫蘆

禮記季夏之月蟋蟀居壁 陸璣詩疏蟋蟀似蝗而小
正黑有光澤如漆有角翅一名蛩一名蜻蛚楚人謂之
王孫幽州人謂之趣織督促之言也里語曰趣織鳴懶
婦驚是也 古今注蟋蟀一名吟蛩秋初生得寒則鳴

一云濟南呼為懶婦 埤雅促織一名投機謂其聲如
急織也 清異錄漢龍驤子名邛諱之呼蛩曰秋風又
今人呼蛩為莎亭部落 詩義問蟋蟀食蠅而化 搜
神記朽葦為蛩 高僧傳道贇聞蟋蟀曰時聞此聲足
代簫管 天寶遺事蟋蟀每至秋時宮中妃妾輩皆以
小金籠捉蟋蟀閉於籠中置之枕函畔夜聽其聲庶民
之家皆效之也 賈似道蟋蟀論煖則在郊寒則附人
似識時者拂其首則尾應之拂其尾則首應之似解人

意者合類頡頏以決勝負英猛之氣甚可觀也 五雜

組三吳有關促織之戲鬪之有塲盛之有器必大小相
配兩家審視數四然後登場決賭左右袒者各從其耦
其賭在高架之上只為首二人得見勝負其為耦者仰
望而已未得一寓目而輸直至於千百不悔甚可笑也

賈似道促織經生於草土者其身軟生於磚石者其
體剛生於淺草瘠土磚石深坑向陽之地者其性劣其
色白不如黑黑不如赤赤不如黃黃不如青其形有白

麻頭青項金翅金銀絲額上也黃麻頭次也紫金黑色
又其次也以頭項肥脚腿長身背濶者為上頭尖項緊
脚瘦腿薄者為下其病有四一仰頭二捲鬚三練牙四
踢腿若犯其一皆不可用若兩尾高低兩尾垂萎並是
老朽亡可立待也其名有白牙青拖肚黃紅頭紫狗蠅
黃錦蓑衣肉鋤頭金束帶齊脅翅梅花翅琵琶翅青金
翅紫金翅烏頭金翅油紙燈三段錦紅鈴月額頭香色
脂鈴之類養法用鰕魚茭肉蘆根蟲斷節蟲扁擔蟲煮

熟栗子黃米飯醫法嚼牙餵帶血蚊蟲內熱用荳芽尖
葉落胎糞結用蝦婆頭昏川芎搽浴咬傷用童便蚘蚓
糞調和點其瘡口 五雜組促織惟雌者有文采能鳴
健鬪雄者反是以立秋後取之飼以黃荳糜至白露則
夜鳴求偶然後以雄者進不當意輒咋殺之次日又以
一雄進又皆咋殺之則為將軍矣咋殺三雄則為大將
軍持以決鬪所向無前又某家有大將軍則衆相戒莫
敢與鬪乃以厚價潛售它邑人其大將軍鬪止以股一

踢之遠去尺許無不糜爛或當腰咬斷不須鬪也大將軍死以金棺盛之以銀瘞於原得之所則次年復有此種不則無矣凡促織與蜈蚣共穴者必健而善鬪吳中人多能辨之 虎苑吳俗好鬪蟋蟀用黃金花馬為注里人張生為之屢負禱于玄壇夜夢神云遣吾虎助爾在北寺門下張覺往尋之獲黑蟋蟀甚大每鬪輒勝獲利甚豐久之乃死

絡緯 埤雅絡緯雄鳴于上風雌鳴于下風而風化

古今注莎雞有青褐兩種一名梭雞一名絡緯以其聲如紡績織緯也一名促寒娘 兼明書莎雞狀如蚱蜢頭小而身大色青而有鬚其羽晝合不鳴夜則氣從背出吹其羽振然其聲有上有下正似緯車故今人呼為絡緯者是也 埤雅莎雞小蟲黑身赤首一名樗雞一名天雞草木疏云如蝗斑色毛翅數重其翅正赤六月中飛而振羽索索作聲幽州人謂之蒲錯

竈馬 酉陽雜俎竈馬狀如促織稍大脚長好穴於竈

側俗言竈有馬足食之兆 山堂肆考竈蟲好穴於竈
側一名竈馬一名竈雞形類促織而身軟長鬚兩股能
跳食鍋中餘沫促織則有翼而黑色性剛善鬪竈雞則
無翼而褐色身弱而易死其聲亦曰織織

油葫蘆 事物紺珠油葫蘆如促織而三尾不鳴不鬪
蜷蜷

禮月令孟夏之月蜷蜷鳴注蜷蜷蜷也蜷蜷蜷也四月
陰氣始動于下故二物應之而鳴也 爾雅蜷蜷蜷注

螻蛄類疏按方言蛄者謂之杜略

音略

螻蛄謂之螻蛄或

謂之螻蛄南楚謂之杜狗或謂之螻蛄 埤雅螻蛄臭

蟲一名螻蛄孫炎爾雅正義以為螻蛄是雄者喜鳴善飛雌

者腹大羽小不能飛翔食風與土要以前甚澁要以後

甚利 爾雅疏螻蛄一名天螻一名碩鼠即今之螻蛄也

廣志螻蛄會稽謂之蝟蛄 通雅螻蛄乃土狗好攻

土夜飛傳火 本草螻蛄夜出求含燈火而走俗呼為

偷火蟲 席上腐談按月令螻蛄鳴蚯蚓出蓋蚯蚓與

螻蛄同處鳴者螻蛄非蚯蚓也故諺云螻蛄叫得腸斷
曲蟻乃得歌名 河圖黃帝起有大螻蛄見 劉向別錄
鄒衍言黃帝土德有螻蛄如牛 搜神記晉廬陵太守
龐參自云其祖坐繫獄忽見螻蛄行其左右因謂曰爾
有神能活我死否因投食與之螻蛄食飯盡而去有頃
復來形體稍大復投食與之數日間其大如豚及將刑
之夜掘壁為大穴破械得從之出亡後遇赦免故參世
祀螻蛄焉 續異志晉義熙中零陵施子然家大作田

至獲時廬於田側守視一夜未眠見一中形丈夫著黃
練單衣袷造席與語云姓盧名鉤家在粽溪邊臨水後
掘田塍見大坎有螻蛄斗許一尤大子然悟曰近日客
盧鉤反音則螻蛄也家在粽溪即西坎也灌以沸湯於
是遂絕

蚯蚓

考工記注蚯蚓却行蟥土精也其為物引而後伸 月
令孟夏蚯蚓出冬至蚯蚓結註結屈也天寒蚓入穴首

下陽動則首上其身屈曲也 抱朴子蚓無口而揚聲

淮南子蚓無筋骨之利爪牙之強上食晞堞下飲黃

泉用心一也 郭璞贊蚯蚓土精無心之蟲交不以分

淫於阜螽觸而感物乃無常雄 蟬史夏月蚓夜鳴於

草底與阜螽同穴為雌雄阜螽即螻也 物類相感志

蚱蜢與蚯蚓雖異類而為雌雄蚯蚓鳴則阜螽跳躍五

月五日伺其偶合收而佩之令人相愛 類從蚯蚓之

塵背灑起霧 稽神錄有村人震死既而空中呼曰誤

矣可取蚯蚓爛搗覆臍中當差如言傳之遂蘓 金臺
紀聞蚯蚓糞能治蜂螫余曾為蜂所毒急以井泉調蚯
蚓糞塗其痛立止 歲時記五日午時于韭畦面東不
語取蚯蚓乾收之謂之六乙泥為魚鯁者以少許擦咽
外即消 番禺記閩越江北山間蠻夷啖蚯蚓脯為羞
容州人好食韭士人以為諱或云以蚯蚓為之 古今
注蚯蚓一名蛭蟪一名曲蟪善長吟於地中江東謂之
歌女或謂之鳴砌亦呼為蠶蚓 本草蚯蚓一名土龍

一名地龍子其屎呼為蚓糞 爾雅疏蝻蚓一名豎蠹

即蜚蠊也 吳氏本草蚯蚓一名白頸螻蛄一名附引

劉賓客嘉話瓊州地名胸腮胸腮是蚯蚓也土多此

蟲常至夜江畔出其身半跳於空中而鳴其形胸腮

音蠹

忍 餘冬序錄孟子所謂吾必以仲子為巨擘者蓋齊

地有蟲類大蚯蚓人謂之巨擘善擘地以行巨擘即蚯

蚓之大者孟子謂蚓而後充其操今注以為大指非也

埤雅蚯蚓有一種白項是其老者也 呂氏春秋黃

帝見大螾土氣勝故其色尚黃高誘注螾蚯蚓 世紀

黃帝時螾大如虹 五行記陳後主時隋軍至江蚯蚓

盡出森如植箭陳氏水鄉蚯蚓土蟲象陳氏自稱土德
盡出明傾其窟穴以曲歸直是歲隋平陳 酉陽雜俎

上都渾瑊宅戟門外一小槐樹樹有穴大如錢每夏月

霽後有蚓大如巨臂長二尺餘白頸紅斑領引數百條

如索緣樹枝幹及曉悉入穴或時衆鳴往往成曲又予

三從房伯父唐太和三年任廬州某官庭前忽有蚓出

大如食指長可二三尺白項當項下有兩足正如雀腳
步于垣下經數日方死又予姪女乳母阿使本荊州人
嘗言小時見其姪孔謙籬下有蚓口露雙齒肚下足如
弦長尺五行疾于常謙遽殺之其年謙喪母及兄叔因
不得活 異苑孟州王雙宋文帝元嘉初忽不欲見明
常取水沃地以菰蔣覆上眠息飲食悉入中云恒有女
著青裙白領巾來就其寢母聽聞薦下有聲歷歷發之
有一青色白纓蚯蚓長二寸許云此女常以一奩香見

遺氣甚清芬，蓋乃螺殼香，則菖蒲根於時咸謂雙蜃同
阜螽矣。續明道雜志：黃州有小蛇，首尾相類，因謂兩
頭蛇。余視之，其尾端蓋類首而非也。土人言此蛇老蚯
蚓所化，無甚大者，其大不過如大蚓行，不類蛇，宛轉甚
鈍，又謂之山蚓。劇談錄：蚯蚓為百合，乃自有知為無
知。蚯蚓在土中欲化時，蟠結如毬，已有百合之狀。

蟻

總論 譚子化書：蝼蟻之有君也，一拳之宮，與衆處之。

一塊之臺與衆臨之一粒之食與衆蓄之一蟲之肉與衆師之一罪無疑與衆戮之戒菴漫筆蟻謂之馬蟻形如馬也羣聚成陣俗謂之馬蟻作壩必有雨曾見兩兩相鬪屢退屢合經一晝一夜埤雅螳有君臣之義故其字從豈亦或从義善鬪力舉等身鐵鬪輒酣戰不解有行列隊伍古今五行志後魏顯宗天安元年兗州有黑蟻與赤蟻交鬪長六十步廣四寸赤蟻斷頭而死黑主北赤主南時齊明帝殺少帝子業而自立大為

魏軍所破東魏孝靜帝武定四年鄴下有黃蟻與黑蟻
鬪黃蟻盡死時東魏戎衣色黑西魏戎衣色黃既而高
歡圍王壁五旬不拔班師而薨 莊子蟻慕羶 抱朴
子蟻有兼弱之智 莊子得時則蟻行注蟻行遶遲有
序需而不速 韓子桓公伐孤竹行山中無水隰朋曰
蟻冬居山之陽夏居山之陰蟻壤寸而有水乃掘之遂
得水 焦贛易林蟻封戶穴大雨將集 博物志蟻知
將雨 京房易占蟻無故當道若門戶城郭聚土水且

傷人 方言垤封塲也楚郢以南蟻土謂之垤 埤雅
詩云鸛鳴于垤垤蟻冢也蟻將雨則出而壅土成峰鸛
鳥見之長鳴而喜方言曰其塲謂之坻亦或謂之垤垤
从至蟻之微而能為垤用其至故也一名蟻封 五雜
組人有掘地得蟻城者街市屋宇樓堞門巷井然有條
唐五行志開成元年京城有蟻聚長五六十步濶五尺
至一丈厚五寸至一尺可謂異矣 珍珠船有冉端者
因營塋掘地遇蟻城方丈城壘皆具若雕刻中有街徑

樓閣二大蟻居樓閣中一紫色足翅皆如金 嶺表錄
異交廣溪洞間酋長多蟻卵淘澤令淨鹵以為醬或云
其味酷似肉醬非官客親友不可得也 倦游錄嶺南
暑月欲雨則朽壤中白蟻蔽空而飛入水翅脫化為蝦
土人遇夜于水次秉燭蟻見火光悉投水中則以竹灑
取搏之每搏以豚鬻糝之為鮓號天蝦鮓又有大赤蟻
作窠于木梢如數升器者取其卵并蟻以糝泊薑鹽釀
焉云味極辛辣 吳錄居風縣有蟻絮藤人視土中知

有蟻因墾發以木皮插其上則蟻出緣而生漆 雞肋
編廣州可耕之地少民多種柑橘以圖利嘗患小蟲損
食其實惟樹多蟻則蟲不能生故園戶之家買螳于人
遂有收蟻而販者用豬羊脬盛脂其中張口置蟻穴傍
俟螳入中則持之而去謂之養柑蟻

名類 大戴禮十二月玄駒賁注玄駒者蟻也賁者走
於地中也 古今注牛亨問董仲舒曰蟻曰玄駒何也
答曰河內人見有人馬數千萬騎皆大如黍米旋動往

來從朝至暮家人以火燒之人皆是蚊蚋馬皆成大蟻
故今人呼蚊蚋曰黍民蟻曰玄駒 方言蚍蜉齊魯之
間謂之蚍蜉西南梁益之間謂之玄駒燕謂之蚍蜉

爾雅疏螳通名也其大者別名蚍蜉俗呼馬蚍蜉小者
即名螳齊人呼螳蜋其大而赤色斑駁者名螳一名打
螳有翅而飛者名螳即飛螳也其子在卵者名蚍可以
作醢 詞林海錯蟻名螳蟻一名石宮 廣志有飛蟻
有木蟻古曰玄駒者也又有黑黃大小數種 酉陽雜

組元和中予居在長興里庭有一穴蟻形狀竊赤蟻之大者而色正黑腰節微赤首銳足高走最輕迅每生致蟻及小蟲入穴輒壞坵室穴蓋防其逸也又秦中多巨黑蟻好鬪俗呼為馬蟻次有色竊赤者細蟻中有黑色遲鈍力舉等身鐵有竊黃者最有兼弱之智其行每六七有大首者間之整若隊伍至徙蠅時大首者或翼或殿如備異蟻狀也續博物志馬緒謫潮得巨蟻長尺餘鹽漬之歸誇北人楚辭赤蟻若象注西方曠野有

赤蟻其大若象能殺人 山海經朱蟻其狀如蟻在崑崙墟

蟻異 異聞集徐玄之夜讀書有人物如粟粒數百皆具甲冑擁一赤幘紫衣者行案上傳呼曰蚍蜉王欲觀漁於紫石潭顧左右索漁具凡數百齊入硯中獲小魚數千頭玄之以書卷蒙之執燭以觀一無所見 齊諧記董昭之過江見蟻冑一短蘆昭之救之後繫獄蟻領羣蟻穴獄昭之得免 南柯記淳于棼夢為大槐安國

駙馬領南柯郡太守征檀羅國既覺尋宅南大古槐下
穴旁可袤丈有大穴洞然明朗可容一榻根上有積土
壤以為城郭臺殿之狀有蟻數斛隱聚其中中有小臺
其色若丹二大蟻處之素翼朱首長可三寸左右大蟻
數十輔之諸蟻不敢近是其王矣即槐安國都也又窮
一穴直上南枝可四丈亦有土城小樓羣蟻亦處其中
即生所領南柯郡也又訪于外宅東一里有古澗澗側
有大檀樹一枝藤蘿擁織上不見日旁有小穴亦有羣

蟻隱聚其間檀蘿之國豈非此耶 窮神秘苑古槐中
蟻穴也元魏時盧汾嘗叩樹有女子衣青出引汾入見
廳堂危豁題曰審雨堂

蛙

總論 周禮秋官蠋氏掌去鼃黽焚牡鞠以灰灑之則
死以其烟被之則凡水蟲無聲 車若水脚氣集朝廷
禁捕蛙以其能食蝗也周禮蠋氏掌去鼃黽是惡其聲
之聒人 田家五行上巳日聽蛙聲占水旱 北戶錄

蛙性熱甚補人人有折其足於瓶中以水養之不三五

日如故亦有以蘇煎食者 水族加恩簿申潔

謂蛙也

蒼

皮癰疹矮股跳梁授濟饒都護行水樂令 莊子秋水

篇公子牟曰子獨不聞夫埳井之鼃乎謂東海之鼈曰

吾樂與吾跳梁乎井榦之上入休乎闕楚之崖赴水則

接掖持頤蹶泥則沒足減跗還

蝦 音寒義云井中赤蟲一名蛸

蟹與

科斗莫吾能若也 漢書武帝元鼎五年秋蛙與蝦蟆

鬪是歲四將軍衆十萬征南越開九郡 南史孔稚圭門

庭之內草萊不翦中有蛙鳴曰我以此當兩部鼓吹
南史梁沈僧昭與武陵王紀坐池亭蛙鳴聒耳王曰殊
廢絲竹之聽僧昭咒厭十許口便止王曰欲其復鳴僧
昭曰王歡已闕今恣汝鳴即便喧聒宣室志有人見
羣僧浴水中問之曰此玄陰池也又曰檀越可聽吾徒
之梵音於是合聲而噪乃羣蛙也拾遺記倉頡之處
有丹石井有白蛙兩翅常來去井上或化為雙白鳩入
雲唐五行志神龍中渭水有蛙大如鼎里人聚觀數

日而失 玉堂閒話徐之東界接沂州有溝多盤車相傳是溪仲試車之所溝有水水有蛙大可如五石甕目如盞昔嘗有人於其頂上得藥服之度世

詳類 武紀注鼃黽也似蝦蟇而長脚其色青 山堂

肆考蛙一作鼃蝦蟇之屬也一名蛤魚一名蠲一名長

股一名田雞一名水雞一名黽一名土鴨 本草衍義

鼃色青腹細嘴尖後脚長故善跳圖經云似蝦蟇而背

青綠色俗謂之青蛙亦有背作黃文者人謂之金線鼃

黑色者南人呼為蛤子食之至美即今所謂之蛤亦名水雞是也閩蜀浙東人以為珍饈小形善鳴喚者名鼃子爾雅疏其居水者名黽一名耿黽狀似青蛙而腹大為異陶注本草云大而青脊者俗名土鴨其鳴甚壯即此黽也陶又云一種小形善鳴喚名為鼃者即郭云青蛙者也丘光庭兼明書蛙形小而長色青而皮光春夏居水邊相對而鳴者也按蛙鳴始於二月驗立夏而鳴者其形最小其色褐黑好聚淺水而鳴其聲如自

呼為渴於者是螻蛄也 周官螻蛄氏鄭注螻蛄今御所食

蛙也 通志有一種生山谷中黑色肉紅名石鱗魚並

可食 泉南雜志鼃一名石鱗魚紫斑如鱗錦生溪澗

高潔處其大如雞得亦不易厥俗魚皮食之有見餉者

曰此難得之珍味也 侯鯖錄水雞蛙也水族中厥味

可薦者 蜀都賦螻蛄山棲注螻蛄類蛙而大即今田

雞也 格物總論蛙數種有黑虎有蚰黃有黃螭有螻

蛄其形各別黑虎身小黑螭脚小班蚰黃斑色前脚大

後腿小有尾子一條黃蜚遍身黃色腹下有臍帶長五
六分螻蛄即夜鳴腰細口大皮蒼鰲色俗名田雞其他
又有鼃蠅長琫石螃蠏子之屬投荒雜錄南方又有
水族狀如蛙其形尤惡土人呼為蛤蛙食之味美如鷓
鴒及治男子虛勞

蝦蟇

附蚪蚪

蟾蜍

總論 賈公彥周禮疏脰鳴者即蝦蟇也 埤雅蝦蟇
懷土雖取以置遠郊一夕復還其所 全雅蝦蟇曳腸

於水際草上纏繳如索日見黑點漸深至春水時鳴以
聒之則蚪斗皆出謂之聒子 埤雅雜俎云蝦蟇無腸
又云蝦蟇聲抱今里俗聞其春鳴謂之聒子聒子即所
謂聲抱也又曰蝦蟇生子後腹空無物故曰無腸 山
堂肆考燒蝦蟆可以制蚤蟲 宋書張暢弟收嘗為獠
犬所傷醫者云宜食蝦蟆膾可療收甚難之暢含笑先
嘗收因此乃食創亦即愈 尚書故實百粵人以蝦蟆
為上味疥者皮最佳故越人云不可脫去此錦襪子

游宦紀聞眉州人水濱釣蝦蟇置籃中皆兩兩相負牢
不可拆極力分之旋即相負如初市之以為珍味成都
人最重之以料物和酒炙之曰炙蟾拈蒼亦以為珍品
名曰風蛤 淮南子老蝦蟇化為鵝 集異志唐高宗
嘗患頭風穿地置藥爐忽有一蝦蟇躍出色如黃金背
有朱書武字 酉陽雜俎長慶中八月十五日夜有人
玩月見林中光屬天如疋布視之見一金背蝦蟇 霏
雪錄越中有道士陸國賓者曉乘舟出見白虹跨水甚

近及至其所見蝦蟆如箸筮大白氣從口出即跳入水
虹亦不見 唐五行志先天二年六月京師朝堂磚下
有大蛇出長丈餘有大蝦蟆如盤而目赤如火相與鬪
俄而蛇入於大樹蝦蟆入於草蛇蝦蟆皆陰類朝堂出
非其所也 宣室志唐李揆乾元中為禮部侍郎嘗一
日忽聞堂中有聲極震若牆圯驚入視之見一蝦蟆俯
於地高數尺魁然殊狀揆命家童以巨缶蓋焉有解者
曰夫蝦蟆月中之蟲亦天使也今天使來公堂豈非上

帝以榮命付公乎其明啟而視之已亡見矣後數日果
拜中書侍郎平章事 烏獸續考余曾見一胡僧持竹
器畜蝦蟆數十於中備寸桌數面名之曰讀書蟆每命
之讀設一席於上若僧席然左右各設弟子席鼓之坐
一巨蟆跳於師座羣蟆隨列弟子位鼓之讀則蟆師先
聲羣弟子應聲而鳴宛若一堂書聲也鼓之止鼓之入
則巨者先止先入

名類 本草蝦蟆一名蟾蜍一名黿一名去甫一名苦

蟹 淮南子鼓造辟兵壽盡五月之望注鼓造蝦蟆也
孫綽漏刻銘靈蚪吐注陰蟲承瀉注陰蟲蝦蟆也

南齊書卞彬蝦蟆賦云紆青拖紫名為蛤魚 洽聞記

蝦蟆大者名田父能食蛇蛇行田父逐之蛇不得去田
父銜其尾久之蛇死尾後數寸皮不損肉已盡矣 文
字集畧螭蝦蟆也大如屨能食蛇 游宦紀聞德興有

毛山環三州界廣袤數百里每歲間山旁人夜持火炬
入深溪或山洞間捕大蝦蟆名曰石撞 神仙傳益州

北平山有白蝦蟆謂之玉芝非仙才靈骨莫能致也

茅亭客話蜀有村夫驚白蝦蟆甚大兩目如丹皆云肉
芝也有醫工買歸慮其走逸以大石臼合於地至曉石
臼透明如竹籠醫工駭愕齋沐負鐺挈蟾辭家入青城
山不知存亡 酉陽雜俎竈無故自濕者赤蝦蟆名鈎
注居之去則止

蚪蚪 山海經崑山湖水東流其中多活郎師注即蚪
蚪也 爾雅科斗活東疏蝦蟆子也一名科斗一名活

東頭圓大而尾細古文似之 古今注科斗一名玄針
一名玄魚形圓而尾細聞雷則尾脫脚生也 埤雅科
斗逢月大盡生前兩足小盡生後兩足

蟾蜍 春秋孔演圖蟾蜍月精也 埤雅蟾蜍吐生腹
大背黑皮上多麻磊跳行舒遲 本草蟾蜍肪塗玉則
刻之如蠟故云能合玉石但肪不可多得取肥者剉煎
膏以塗玉亦軟滑易截古玉器有奇特非雕琢人工者
多是昆吾刀及蟾蜍肪所刻也 衍義蟾蜍眉間白汁

謂之蟾酥 爾雅疏 鼃鼃一名蟾諸郭云似蝦蟆居陸地淮南謂之去蛟然則蟾諸非蝦蟆但相似耳 蟬史諸書皆分蝦蟆蟾蜍為二物以為蟾蜍大腹癩背不能跳躍亦不善鳴蝦蟆小于蟾蜍能跳接百蟲善鳴然子村居無事細視科斗漸大脫尾生足而登陸至四五月則居稻田內好鳴能跳接百蟲而食之經年方老好居人家下濕地夏夜則出拾蟲而不能跳矣亦不鳴聒人呼為蛤霸其實一物老幼殊質春夏異時遂分為二也

玄中記蟾諸生角者食之壽千歲 張衡靈憲昇請
不死之藥於西王母嫦娥竊之以奔月將往枚筮之於
有黃有黃占之曰吉翩翩歸妹獨將西行逢天晦芒母
驚母恐後且大昌嫦娥遂託身於月是為蟾蜍 抱朴
子萬歲蟾蜍頭上有角頷下有丹書八字體重以五月
五日中時取之陰乾百日以其足畫地即為流水帶在
左手於身辟五兵若敵人射已者弓弩矢皆反還自向
也 研北雜志陳聖觀聞宋炤說蟾蜍三足與蛙不同

炤既去乃得枯者於貨藥擔上以示聖觀乃一軀殼實
之以木屑視之三足特長如尾而有距世所範為硯滴
者或不盡似也 太平清話正和二年夏四月新安蟾
蜍背生芝草時農夫汲水於龍淵之津覩此一蟾望日
而拱已而視之則其背生芝凡十五葉葉間有異草蒙
茸蒼翠歲寒不雕 自然論蟾蜍擲糞自其口出 酉
陽雜俎土檳榔狀如檳榔在孔穴間得之新者尤軟相
傳云蟾蜍矢也能已毒瘡 會編一種蟾大而黃色多

在山石中藏蟄能吞氣飲風露不食雜蟲謂之山蛤
蟬史山蛤一名南風蛤又名石蜚生深山谷中遇南風
則出背黑色疥磊兩股甚長孝豐人珍之為上品連皮
蒸熟味在于皮

蜥蜴 附蛤蚧

方言秦晉西夏謂之守宮或謂之鱸螭或謂之蜚易其
在澤中者謂之易蜴南楚謂之蛇醫或謂之蝾螈東齊
海岱之間謂之虺蜥北燕謂之祝蜥 說文蝾螈蛇醫

以注鳴者也在草曰蜥蜴在壁曰蝮蜴蝮蜴守宮也

通雅蜥蜴總曰螭大者曰山龍子緣木曰蝮蜴在草曰
蝮蜴在屋曰守宮 陶弘景本草形大純黃色者名蛇

醫亦名蛇舅似蛇醫而小尾長見人不動者名龍子小
而五色尾青碧者名蜥蜴小而緣牆壁色黑者名蝮蜴

吳人呼
為壁虎

古今注蝮蜴善上樹捕蟬食之其長細五色

者名為蜥蜴短大者名蝮蜴一曰蛇醫大者長三尺其
色玄紺善螫人一名玄蝮一名綠蝮 北戶錄蜥蜴一

曰蛇師 埤雅蜥蜴十二時變色舊說蛇體有傷此輒
銜草傳之故有蛇醫之號也今俗謂之蠍虎喜緣籬壁
者是 二酉餘談一人為蛇傷痛苦欲死見一小兒來
曰可用兩刀在水內相磨取水飲之神效言畢化為綠
蜥走入壁孔中其人如方即愈因號綠蜥為蛇醫 漢
書東方朔傳武帝置守宮孟下令朔射之朔曰臣以為
龍又無角謂之為蛇又有足跂跂胍胍善緣壁是非守
宮即蜥蜴注守宮蟲名也術家云以器養之食以丹砂

滿七斤擣治萬杵以點女子體終身不滅若有房室之事則滅矣言可以防閑淫逸故謂之守宮今俗呼為辟宮辟亦相禦之義耳 文昌雜錄守宮其形大概類蜥蜴足短而加濶亦有金色者秦始皇時有人進之云能守鑰人不敢竊發鑰故名之曰守宮由此也又云致於宮中宮人之有異志者即吐血汚其衣或曰以守宮繫宮人臂守宮吐血汚臂者有淫心也秦皇則殺之物類志蜥蜴五色具者雄不備者雌 曹叔雅異物志魚

跳躍則蜥蜴從草中下稍相依近便共浮水而相合事
竟魚還水底蜥蜴還草中 酉陽雜俎王彥威鎮汴之
二年夏旱李玘過汴因宴王以旱為慮李醉曰欲雨甚
易耳可求蛇醫四頭十石甕二每甕實以水浮二蛇醫
覆以木蓋密泥之分置於閑處瓮前設席燒香選小兒
十歲已下十餘令執小青竹晝夜更擊其瓮不得少輟
王如其言試之一日兩度雨大注數百里舊說龍與蛇
師為親家 羣書考索熙寧十年四月中書門下言御

前降到蜥蜴祈雨法排辦其法捕蜥蜴十數枚置之甕中漬之以雜木葉選童男數十人衣青衣青塗面及手足仍持柳枝沾水散灑且呪曰蜥蜴蜥蜴興雲吐霧雨今霧靈汝今歸去如是者晝夜嬰繞而言是月十八日依法為之至二十夜雨傳載畧武肅於院中令老姥監直聽更有大蜥蜴沿油缸而吸視之將竭倏然不見明日王曰昨夜夢麻膏充腸而飽是何祥也宮中或有對者王亦微哂而已

蛤蚧 方言桂林之中守宮大而能鳴者謂之蛤蚧

物類志蛤蚧皮粗口大身小者雄口銳尾小身大者雌
北戶錄蛤蚧首如蟾蜍背綠色上有黃斑點若古錦
文長尺餘尾絕短其族則守宮蜥蜴蠃蜓多居古木竅
間自呼其名聲絕大 本草蛤蚧狀類蠃蜓蟞首細鱗
長尾生嶺南在古牆壁及榕木間一雌一雄行常相隨
獮頌圖經蛤蚧欲得首尾全者俟於榕木間 物類
相感志蛤蚧長二三尺許小者一尺已下其狀與守宮

不殊夜行每鳴自呼南民云蛤蚧生一歲每鳴一聲二歲二聲有至十聲者土人以老蛤蚧尤重之北戶錄蛤蚧或曰一年一聲驗之非也端州大廳有蛤蚧州吏云多年至今每鳴或三聲或一聲不定也海錄蛤蚧大月三聲小月兩聲

果羸

爾雅疏果羸一名蒲盧即細腰蟲也俗呼為蠚蠚鄭注中庸以蒲盧為土蠹說文云細腰土蠹也天地之性小

腰純雄無子螟蛉一名桑蟲一名桑蠅一名戎女果羸
取而附之於木空中七日而化為子 揚雄法言螟蛉
之子殪而逢螺羸祝之曰類我類我久則肖之矣 詩
疏螟蛉者捷為文學曰桑上小青蟲也似步曲其色青
而細小或在草葉上螺羸似蜂而小腰取桑蟲負之於
木空中或書簡筆筒中七日而化為其子里語曰呪云
象我象我 埤雅果羸土蜂也好禁蜘蛛捷泥作房如
併竹管取桑蟲負之今呼大蠶啖子地中作房者亦曰

土蠶非此細腰土蠶也

酉陽雜俎 蠨蛸好窠於書卷

或在筆管中祝聲可聽有時開卷視之悉是小蜘蛛大如蠅虎旋以泥隔之不獨負桑蟲也 捫蝨新語 遜齋

閑覽以螺羸蠨蛸蒲盧為三種銜泥營窠於室壁間者

名螺羸穴地為窠者名蠨蛸窠於書卷或筆管中者名

蒲盧 格物總論 螺羸所負不但螟蛉或蟋子磔而斃

之因產一小卵於其上俟其卵化而成形漸食所負之

蟲久乃寢大生翼飛去

脚氣集 螺羸取螟蛉產子於

其身上借其膏血以為養螺贏大螟蛉枯非變化也

留青日札螺贏凡細蟲皆可負去必齧死之而寄生一子於其上積四五蟲乃以泥封之久之卵得其氣而生其初生也必食其蟲俱盡則可以啓封而出戶矣五雜組螟蛉有子螺贏負之謂負他子作已子也故人以過房子為螟蛉此語相沿至今然螺贏實非取他物為子也廼放卵窠中而殺小蟲以飼之耳陶隱居爾雅注云螻蛄銜泥竹壁及器物作房子如粟米乃捕取草

上蜘蛛滿中塞之以俟其子為糧此語鑿鑿有據足破
千古之誤且詩但言螺贏負之未言其作已子也則揚
子雲類我之說誤之也

蜘蛛

附蟪蛄
顛當

壁蝨
蝨

爾雅疏蠶蠶別名也一名蠶蚤今江東呼蝦蟇齊人
又呼社公亦言網公其在地中布網者名土蠶蠶其作
網絡幕草上者名草蠶蠶也 方言蜘蛛自關以西秦
晉之間謂之蠶蚤自關以東趙魏之間謂之蠶蠶或謂

之蟪蛄北燕朝鮮洌水之間謂之蟪蛄 本草蜘蛛赤
斑者俗名絡新婦 格物總論蜘蛛大腹深灰色多於
空中作圓網然亦數種有赤斑者有五色者有大身上
有刺毛者有薄小者惟在屋西面有網身小尻大腹內
有蒼黃膿者為真其大者身運數寸而跂長數倍其網
羅竹栢盡死 廣志蜘蛛有在器下者有以絲在籬落
間緣壁捕蠅者 埤雅蜘蛛布網如罾其絲右繞今磨
旋蔓生皆循右而轉亦自然之理也 西京雜記蜘蛛

集而百事喜 李德裕喜徵論凡人將有喜兆蜘蛛必
垂於冠冕 酉陽雜俎道士許象之言以盆覆寒食飯
於閤室地入夏悉化為赤蜘蛛 酉陽雜俎裴旻山行
有山蜘蛛垂絲如疋布將及旻旻引弓射却之如車輪
因斷其絲數尺收之部下有金瘡者剪方寸貼之血立
止 鳥獸續考海蜘蛛巨若丈二車輪文具五色非大
山深谷不伏也游絲隘中牢若絙纜晨輝照耀先燄煜
燄虎豹麋鹿間觸其網蜘蛛益吐絲如縞霞纏糾卒不

可脫俟其斃腐乃就食之舩人欲樵蘓者率百十其徒
東炬而往遇絲輒燃紅遍山谷如設庭燎蜘蛛潛愈深
密惟恐其及也或云取其皮為履不航而涉豈其然歟
詞林海錯蜘蛛大者可以食豸晉公子重耳與五臣
見於大澤中出符子 天中記江夏城南鐵佛寺內有
蜘蛛井世傳唐時有紅白二蜘蛛化為妖婦以媚人故
鑄鐵佛鎮之 玉堂閒話泰岳之麓有岱岳觀樓殿咸
古制年代寢遠一夕大風有聲轟然響震山谷及旦視

即經樓之侈也樓屋徘徊之中雜骨盈車有老蜘蛛在
焉形如矮腹五升之茶鼎展足則周數尺之地矣先是
側近人家亡失幼兒不計其數蓋悉罹其啗食也蓋布
網於上或遭其黏縻絆而不能自解則遭其害矣於是
觀主命薪以焚之臭聞十餘里 酉陽雜俎唐元和中
蘓湛游逢鵲山裏糧鑽火境無遺趾忽謂妻曰我行山
中都倒巖有光如鏡必靈鏡也明日將投之今與卿訣
妻子號泣止之不得及明遂行妻子領奴婢潛隨之入

山數十里遙望巖有白光圓明徑丈蘓遂逼之纔及其
光長叫一聲妻兒遽前救之身如繭矣有黑蜘蛛大如
鉅鐙走集巖上奴以利刀決其網方斷蘓已腦陷而死
妻乃積柴燒其巖臭滿一山 金樓子楚國龔舍初隨
楚王朝宿未央宮見有赤蜘蛛大如栗四面縈羅網有
蟲觸之而死者退而不能得出焉舍於是掛冠而退時
謂舍為蜘蛛隱 天寶遺事帝與貴妃每至七月七日
夜在華清宮游宴時宮女輩陳瓜果酒饌列於庭中求

恩於牽牛織女星各捉蜘蛛於小合中至曉開視蛛網
稀密以為得巧之候密者言巧多稀者言巧少民間亦
效之

蠨蛸 詩疏蠨蛸長跼一名長脚荊州河內人謂之喜

母此蟲來著人衣當有親客至有喜也幽州人謂之親
客亦如蜘蛛為網羅居之 爾雅疏小龍龍長脚者一

名蠨蛸一名長跼俗呼為喜子詩東山云蠨蛸在戶

採蘭雜志昔有母子離別母每見蠨蛸垂絲著衣則曰

子必至也果然故名曰喜子子思其母亦然故號曰喜母均之一物也


壁繭 山堂肆考壁錢蟲似蜘蛛而身扁作白幕如錢著壁間俗呼為壁繭其抱子隔幕而伏生子百數坼幕而出一名扁蟪一名壁鏡 事物原好壁繭蟪子也一名壁蟪能捕蠅作窠於門壁之上其結窠似幕其圓大如錢

顛當 山堂肆考螳螂一名顛當形如蜘蛛穴土為巢

酉陽雜俎顛當窠深如蚓穴網絲其中土蓋與地平
大如榆莢常仰捍其蓋伺蠅蠖過輒翻蓋捕之纔入復
閉與地一色並無絲隙可尋也其形似蜘蛛爾雅謂之
王蛺蜴鬼谷子謂之蛺母秦中兒童戲曰顛當顛當牢
守門蠚蠚寇汝無處奔

蚰蚘 格物論能於空中作懸網狀如魚罾者名蚰蚘
陶隱居本草蚰蚘在孔穴中及草木稠密處作網如
蠶絲為幕絡伺蠅蚋觸網則出擒食之形如蠅虎身有

毛班



格致鏡原卷九十八

欽定四庫全書

子部

格致鏡原卷

九十九
一百

詳校官中書_臣羅錦森

侍讀_臣孫球覆勘

總校官中書_臣朱 鈐

校對官原任典簿_臣郭祚職

膳錄舉人_臣查 浩

欽定四庫全書

格致鏡原卷九十九

大學士陳元龍撰

昆蟲類四

蛇

總論 張與疏蛇能屈伸配龍騰蟄 賈公彥疏紆行
者即蛇也 淮南子蛇無足而行 埤雅蛇盤常向壬
地壬北方也蛇以眼聽語曰蛇聾虎艷 內典辨蛇雄
雌以細軟物停著上其躁嬈者當知是雄住不動者當

知是雌如雜寶藏經律云白氈試蛇去住不同也 搜
神記千歲之蛇斷而復續 地鏡圖金寶化青蛇 晉
書武庫封閉甚密其中忽有雉雌張華曰此必蛇化為
雉也開視雉側果有蛇蛻焉 異苑晉太元中汝南人
入山伐竹見一竹中蛇形已成枝葉如故又吳郡桐廬
人常伐餘遺竹見一竹竿雉頭盡就身猶未變此亦
竹為蛇蛇為雉也 廣博物志蛇食茄則醉 後山談
叢王沂公之先為農與其徒入山林以酒行既飲先後

至失酒顧草間有醉蛇倒而埒之得酒與血怒而飲焉
昏閉倒臥明日方醒視背傍積蟲成堆自是無蟲終身
又李公擇家有坐化蛇 倦游雜錄嶺南人好啖蛇易
其名曰茅鱗 水經注武強縣人有行於道見一小蛇
疑其有靈持而養之名曰檐生長而吞噬人 廣博物
志山中有大蛇冠幘者名曰升卿呼其名則吉 抱朴
子已日山中稱寡人者社中蛇也 酉陽雜俎蛇鬼名
側石圭一名廬 山堂肆考蛇草居常饑每得食稍飽

輒復蛻殼冬輒含土入蟄及春出蟄則吐之圓重如石
謂之蛇黃 本草經蛇蛻一名龍子衣一名蛇符 造
化權輿蛇易皮 莊子螂且甘帶注帶小蛇也螂蛆喜
食其眼 西使記骨篤犀大蛇之角也解諸毒 異苑
丹陽鍾忠以元嘉冬月晨行見有一蛇長二尺許紋色
似青琉璃頭有雙角白如玉感而畜之 瑣碎錄倒拖
蛇不出以針劄其尾即出 五雜組蛇油可合硃砂能
令印色隱然不蘸 廣博物志宋元嘉中廣州有三人

共在山中伐木忽見石窠有三卵大如升取煮之湯始
熱聞林中如風雨聲須臾一蛇大十圍長四五丈逕來
湯中銜卵而去三人未幾皆死 太平廣記趙延禧云
遭惡蛇虺所螫處帖艾炷當上灸之立差不然即死
朝野僉載種黍來蛇燒穀羊角及頭髮則蛇不敢來
事物原始西京賦水人弄蛇注水人俚兒也能禁錮弄
蛇其事始於漢時 楊慎外集山海經云有黑人虎首
鳥足兩手持蛇方啗之今南中有夷名峨昌其人手持

蛇啗之其採樵歸籠中捕蛇數十蛇亦不能去不知何術也疑即此類 搜神記隋侯姓祝字元暢往齊國見一蛇在沙中頭上有血隋侯以杖挑放水中而去後回至蛇所乃見蛇銜一珠來隋侯不敢取夜夢踏一蛇驚覺乃得雙珠 埤雅蛇珠蛇所吐也語曰蛇珠千枚不如一玫瑰言蛇珠賤也 武陵記壺頭山邊有石窟即馬援所穿室也室內有蛇如百斛船大云是援之餘靈也 廣州記晉興郡路側五六里有一物大百圍長數

十丈行者過視則往而不反積年如此失人甚多董奉
從交州出由此嶠見之大驚曰此蛇也住行旅施符勅
經宿往看蛇已死矣白骨積聚成山 豫章記永嘉末

有大蛇長十餘丈斲道人有過者輒以氣吸引取之吞
噬已百數道士吳猛與弟子數人往欲殺蛇蛇藏深穴
不肯出猛符南昌社公蛇乃出穴頭高數丈猛緣尾登
背以足按蛇頭著地弟子於後以斧殺之猛曰此蛇是
蜀精 南史梁武帝與宮人幸玄洲苑見大蛇盤屈於

道羣小蛇繞之並黑色宮人曰恐是錢龍帝以錢十萬貫鎮於蛇處以厭之 朝野僉載開元四年六月郴州

馬嶺山側有白蛇長六七尺黑蛇長丈餘須臾二蛇鬪白者吞黑蛇到粗處口兩噬皆裂血流滂沛黑蛇頭入嚙白蛇肋上作孔頭出二尺餘俄而兩蛇並死後十餘日大雨山水暴漲漂破五百餘家失三百餘人 北夢

瑣言先化中楊守亮鎮褒日有一蛇橫斜谷嶺路高七八尺莫知其首尾四面小蛇翼之無數每一拖身即林

木摧折殆旬半方過盡阻絕行旅因聚草焚燎路隅慮其遺毒然後方行明年楊伏誅

詳類 爾雅騰蛇 龍類也能興雲霧而游其中

鬼谷子騰蛇一名神蛇亦曰靈蛇 說林訓騰蛇游霧

而擊蜚蛆 陰陽自然變化論騰蛇聽而有孕 埤雅

騰蛇雄鳴於上風雌鳴於下風而風化

以上騰蛇

爾雅蟒

王蛇注蟒蛇最大者故曰王蛇 郭璞贊惟蛇之君是

謂巨蟒小則數尋大或百丈 述異記蟒蛇目圓 晉

書趙王倫篡位殿上有大蟒及小蟒耳間垂肉似重孝
幘小蟒亦然 梁武懺序郗氏梁武帝后也崩數月帝
居寢殿聞外騷宰聲視之乃見一蟒盤躡上殿睽睛呀
口向帝帝驚駭蹶起曰宮殿嚴警非爾類所生之處豈
妖孽欲崇朕耶蛇人語曰蟒昔郗氏也妾以生存嫉妬
損物害人死以是罪謫為蟒耳

以上
蟒蛇

嶺表錄異 蛇

大者五六丈圍五六尺以次者亦不下三四丈圍亦稱
是身斑文如錦纈里人云春夏多於山林中等麋鹿過

則銜之自尾而吞唯頭角礙於口外即深入林樹間閣
其首伺鹿壞頭角墜地鹿身方嚙入腹如此後蛇極羸
弱及其鹿消壯俊悅澤勇健於未食鹿者或云一年則
食一鹿 水經注交趾山多大蛇名曰蚺蛇長十丈圍
七八尺常在樹上伺鹿獸鹿獸過便低頭繞之有頃鹿
死先濡令濕訖便吞頭角骨皆鑽皮出山夷始見蛇不
動時便以大竹籤籤蛇頭至尾殺而食之以為珍異故
楊氏南裔異物志曰蚺惟大蛇既洪且長采色駸犖其

文錦章食灰吞鹿股成養創實享嘉宴是豆是觴言其
養創之時肪腴甚肥也 華夷鳥獸考蚺蛇大者如柱
長稱之其膽入藥南人腊其皮刮去鱗以鞞鼓蛇常出
逐鹿食寨兵善捕之數輩滿頭插花趨赴蛇蛇喜花必
駐視漸近競拊其首大呼紅娘子蛇頭益俛不動壯士
大刀斷其首衆悉奔散遠伺之有頃蛇省覺奮迅騰擲
傍小木盡拔力竭乃斃數十人舁之一村飽其肉 海
槎餘錄蚺蛇產於山中其皮中州市為縵樂器之用其

膽為外科治瘡癰之珍藥然亦肝內小者為佳此地魚
產山馬其狀如鹿特大而能作聲尾更板濶與鹿稍異
蚺蛇常捕吞之從後脚而入雖角實大二倍於鹿毒氣
呵及即時解脫初吞時亦不能轉動畧向水次伸舒消
盡無餘矣途人卒然相值雖持木棍亦將無施解事者
執指大蛇皮木在手一揮即止可見物貴得其制不在
操利器也 淮南子越人得蚺蛇以為上肴中國得而
棄之 埤雅蚺蛇可食尾圓無鱗身有斑文如故暗錦

續難死似鼉行地常俯其首膽隨日轉上旬近頭中旬
在心下旬近尾 朝野僉載泉建州進蚺蛇膽五月五
日取時膽兩柱相去五六尺擊蛇頭尾以杖於腹下來
去叩之膽即聚以刀割取藥封放之不死復更取看肋
下有痕即放 嶺表錄異蚺蛇膽狀若鴨子大切取之
復內肝腹中以線縫合創口蛇亦復活昇歸放於川澤
其膽暴乾以充土貢或云蛇被取膽他日見捕者則遠
遠側身露腹瘡明已無膽以此自脫 五雜組蚺蛇大

能吞鹿惟喜花草婦人山中有藤名蚺蛇藤捕者簪花
衣紅衣手藤以往蛇見輒凝立不動即以婦人衣裳其
首以藤縛之其膽護身隨擊而聚若徒取膽者以竹擊
其一處良久利刀剖之膽落矣其膽噲一粟於口雖拷
掠百數終不死但性大寒能萎陽令人無子 華夷鳥
獸考蚺蛇膽陶隐居云此蛇出晋安大者三二圍在地
行住不舉頭者是真舉頭者非真圖經曰此物極多偽
欲試之剔取如粟米許著淨水上浮游水上回旋行走

者為真其徑沈者諸膽血也試之不可多多亦沈矣膏之真者礫礫如梨豆子他蛇膏皆大如梅李子此為別也 括地志蚺蛇牙長六七寸土人尤重之云辟不祥利遠行賣一枚直牛數頭 朝野僉載泉州有客盧元欽染大風唯鼻根未倒屬五月五日官取蚺蛇膽欲進或言肉可治風遂取一截蛇肉食之三五日頓漸可百日平服 鳥獸續考明武宗初年嘗宿豹房劉瑾等以蚺蛇油萎其陽是以不入內宮

以上蛇

爾雅蝮虺博三

寸首大如擘註身廣三寸頭大如人擘指此自一種蛇
名為蝮虺 埤雅蝮蛇怒時毒在頭尾蝮與虺異虺如
土色所在有之蝮蛇鼻反其上有鍼錦文衆蛇之中此
獨胎產生輒坼剖母腹亦有與地同色者舊云鳩食之
柳宗元蝮蛇文目兼蝨蠱色溷泥塗其頸感恧其腹
次且褰鼻鉤牙穴出榛居蓄怒而蟠銜毒而趨 事物
紺珠蝮蛇細頸大頭焦尾色如綬錦文間有毛似豬鬣
鼻上有針大者七八尺又名反鼻名曇 柳州集蝮蛇

善伺人聞人咳喘步驟輒不勝其毒捷取巧噬肆其害
或不得於人則愈怒反齧草木草木立死後人來觸死
莖猶墮指攣腕瘡足為廢病 抱朴子蛇類多唯有蝮
蛇中人至急一日不治則殺人若不曉方術而為此蛇
所中但以刀割肉投地其肉沸如火炙須臾焦盡而人
得活也又曰帶武都雄黃色如雞冠者五六兩以入山
林則不畏蛇蛇若中人以少許末沫之雄黃入瘡中立
愈此廣成子教黃帝之道 朝野僉載山南五溪黔中

皆有毒蛇鳥而反鼻蟠於草中其牙倒勾去人數步直
來疾如繳箭螫人立死中手即斷手中足即斷足不然
則全身瘡爛百無一活謂蝮蛇也有黃喉蛇好在舍上
無毒不害人唯善食毒蛇食飽垂頭直下滴沫地墳起
變為沙蟲中人為疾額上有大王字衆蛇之長常食蝮
蛇以上陳鼎蛇譜禿虺蛇尾禿而色黑帶綠腹赤蛇
中之最毒者也不畏人見人故遲遲行齧者治少緩即
斃鄰幾雜誌毒虺斷頭猶能聽以噬人閑人野話

景煥為壁州白石令行涉巴嶺達王女廟有巨虺橫亘
其前徑可七尺餘鱗甲不啻門扇許大頭尾垂在山下
惟聞折木震響山谷從者驚駭莫能前進於是且駐山
穴因登高望之竟日方見其尾格物論虺與蝮又自
一種蝮黃黑色黃頤尖口毒最烈虺形短而扁毒不減
於蝮虺以上蛇爾雅疏跂蝮蝮之屬大眼有毒一名跂
又名蝮淮南人呼蝮子者是也蛇譜脆蛇產貴州土
司中長尺有二寸圓如錢嘴尖尾禿背黑腹白暗鱗點

點可玩也或白如銀見人輒躍起數尺跌為十二段須
臾復合為一不知者誤拾之即寸斷兩端俱生頭齧人
即斃出入往來恒有度捕之者置竹筒於其徑側則不
知而入其中急持之方可完稍緩則碎矣故名曰脆暴
乾能已風去厲視其身之上中下以治人之頂腹脛罔
不効無可接斷骨 潛確類書脆蛇一名片蛇出雲南
大侯禦夷州長二尺許遇人輒自斷為三四人去則復
續乾之治惡疽腰已上用首以下用其尾 窮神秘苑

淮南子云神蛇自斷其身而自相續煬帝遣人於嶺南
邊海窮山求此蛇數四而至洛下長可三尺色黃黑其
頭錦文全似金色不能毒人解食肉若欲令自斷其身
者則先觸之令怒使不任其憤毒則自斷為三四其斷
之處如刀截焉見其皮骨文理亦有血焉然久怒定則
三四斷稍稍自相就而連續體復如故亦似不相斷隋
著作郎鄧隆云此靈蛇一類自斷不必千歲也北戶
錄蛇肉食之辟蠱毒其膏俗傳不利人其皮可鞞鼓

今潮州和鱗為之聲絕鳴與象皮鼓相類 蛇譜火蛇吐火如彈中雀為食長七八尺八九尺不等從無滿丈者色赤有兩角 本草金蛇無毒形狀大如中指長尺許常登木飲露作金色照日有光能解金毒人中金毒者令其合瞑納銀口中含至曉銀變金色者是又有銀蛇能解銀毒 物類相感志錫蛇出黔南桂州其蛇麤如大指長尺許鱗甲上有金銀星解南土蠱毒 蛇譜絲蛇夔州府蛇到退地方間有之長八尺圍一尺能吐

絲作網大數畝蛇居其中如鼃鼃然候物入其中即擒
吞之人或觸其絲則躍出齧斃 山海經注永昌出鈎
蛇長數丈尾岐在水中鈎取岸上人及牛馬啖之 寰
宇記九真長江水有鈎蛇食人若殺此蛇則當令死如
不死則尋追報人終不已也雖復人衆中往取害之者
萬不一失 蛇譜環蛇出三佛齊國如環大數圍至數
十圍者逐獸則疾走如轉車輪於千仞之山獸入環中
即斃其口眼俱生環之半與尻相對國人收其脂作藥

服之刀劍不能傷又橋蛇長八九尺或六七尺色青如竹尾禿以首尾行如橋然首先發而尾後縱又如弓狀疾如奔馬能掩捕飛鳥廣東雷州山中頗多不害人

賢奕編申王有肉疾腹垂至骭每出則以百練束之至暑月嘗鼯息不可過玄宗詔南方取冷蛇長數尺色白不螫人執之冷如握冰申王腹有數約夏月置於約中不復覺煩暑 祝穆方輿勝覽鱗蛇出安南雲南沅江諸處巨蟒也長丈餘四足有黃鱗黑鱗二色能食麋鹿

春冬居山夏秋居水能傷人土人殺而食之膽入藥黃
鱗者良 蛇譜介蛇長五六尺有黑白兩種尾繫殼如
蚪倦則蟠殼中行則拖殼如飛專食草中蟲不害人行
天方國 錄異記爆身蛇長一二尺形如灰色聞人行
聲林中飛出狀若枯枝橫來擊人中者皆死 山堂肆
考犁頭蛇頭似犁頭尖嘴大頤螫人必死亦好伏地而
行 五雜組嶺南多蛇人家承塵屋甍蛇日夜穿其間
而不齧人人亦不懼也聞有人面蛇者知人姓名晝則

同行人於山谷中呼其姓名應之則夜至殺其人然主
家多蓄蜈蚣蛇至近則蜈蚣籠中奮擲縱之出逕往咋
蛇 蛇譜人面蛇雌者狀如美婦人項下有兩足如人
手十指俱具雄者有髯而色綠長數仞雌雄交則鳴吼
善搏虎畏狐見狐則蒲伏不敢動狐從容齧其尾血出
則蛇死呼羣狐負之歸穴以為飯緬甸阿哇占城交趾
及八百媳婦國諸山俱有 朝野僉載嶺南有報冤蛇
人觸之即三五里隨身即至若打殺一蛇則百蛇相集

將蜈蚣自防乃免 五侯鯖吐光蛇出惠州宋科舉年
吐異光一團則一人登科二團則二人登科 錄異記
雞冠蛇頭如雄雞有冠身長尺餘圍可數寸中人必死
會稽山下有之 蛇譜豹皮蛇濶三尺長五尺厚三寸
形長而方伏草莽如被然有毛斑爛若豹故名豺狼獐
兔踐之即斃斃即吞之畏鶴鶴踐之蛇即斃淳泥國人
呼荆竒鑲荆竒鑲者華言毒口蛇也又烏虎蛇出滇南
廣西府土司中高五尺大二圍頭尾俱平如圓木色蒼

黑常直立草莽中俟飛鳥過噴唾彈之則墜取以為食
土人呼為鳥子虎 輿地志龍溪有盤龍蛇青黑色赤
帶錦文隨瀆漢水而入於海有毒傷人輒死 蛇譜人
蛇長七尺色如墨蛇頭蛇尾蛇身尾長尺許而人足人
手長三尺人立而行出則羣相聚遇人輒嘻笑笑已即
轉噬然行甚遲聞其笑即速奔可脫又王蛇滇南近緬
山中有之長數里色如黃金蓋數千年矣常隱不常現
不害人物以蛇為飯每出小黃蛇千數所止地凡蛇盡

來朝有罪及傷人者輒命羣蛇噬之即以為食凡毒蛇傷人者尾必禿所殺者皆禿尾人以其知其討有罪也每殺蛇必留尾以為號令以其能討惡故曰王蛇蓋蛇之仁武者也又神蛇在梧州三界廟甚靈異每祈禱小青蛇從鬼吏冠袖中出身綠如苔柔擾依人倏忽不知所在有負於神蛇即至其家雖遠必來人懼而祀之則去或曰有司疑案不能決輒令兩造詣廟探鬼吏冠中蛇理屈者即齧斃此蛇之聰明正直者也 蛇譜富貴

蛇色微黃而間以青腹白舌赤齒黑長不過四五尺如
穴人家倉困下米粟必多倍於所入其家必發故曰富
貴蛇人家有是蛇主人至除夕必設樽俎香燈祀之

孫子率然者常山之蛇也擊其首則尾至擊其尾則首
至擊其中則首尾俱至 神異經西方山中有蛇頭尾
差大有色五彩人物觸之者中頭則尾至中尾則頭至
中腰則頭尾並至名曰率然會稽常山最多此蛇 唐

書西域波斯貞觀十二年朝貢獻活褥蛇狀類鼠色正

青身長八九寸能入鼠穴捕鼠 蛇譜慈曼蛇不齧人
即齧亦無大害與青簫蛇性狀相同青簫者色青而狀
如簫也長四五尺三四尺不等二蛇俱善捕鼠水蛇亦
然江南蛇多不善浮水惟水蛇善浮水常於水畔捕蛙
為食 庶物異名疏益蘭州注云益蘭蛇之稱也初州
境山居人見一巨蛇長數十步從穴中出飲河腥聞數
里因以為名 賢奕編有蛇名高聽常闖入巨蜂房中
盡收其毒乃出伏道傍莽中伺人過而螫之已尾其人

至於宅近處緣樹末而竊聽之聞其家有哭聲諗其人
既斃乃悠然去否則憤憤復集毒螫人如初 柳州集
永州之野產異蛇黑質白章觸草木盡死以齧人無禦
之者得而腊之以為餌可以已大風孿踠癰去死肌
殺三蟲 酉陽雜俎南安蠻江至五六月有巨蛇泛流
登岸首如張帽萬蛇隨之入越王城 山海經巴蛇吞
象三歲而出骨君子服之已心腹之疾 潯江記羿屠
巴蛇於洞庭其骨若陵名曰巴陵 玄中記崑崙山周

三萬里蛇遶之三周長九萬里 山海經幽都之山是
有大蛇赤首白身其音如牛見則其邑大旱 南史倭
國有獸如牛曰山鼠有大蛇吞山鼠蛇皮堅不可斫其
上有孔乍開乍閉時或有光射中而蛇則死矣 山海
經大同之山有蛇名曰長蛇其毛如毳豪其音如鼓柝
蛇譜圓蛇產貴州右洲八萬土司中圓如卵有五彩
文或山水花鳥竹木狀同六合石子人見之無不愛拾
而撫摩不忍遽舍去少頃得人氣於中心迸出一頭口

目畢具吐舌如火輪齧人即斃人斃處草木枯槁泥土
焦裂人不敢由此行皆迂道以避三年始復然其土猶
毒苗人以竹矢插其處七日夜射人即斃又扁蛇濶五
寸長五尺厚一寸首尾俱齊色如溫綢五色相錯而方
不知者以為手中也口大如斗其行如飛能逐狡兔得
兔則生吞之廣西及海南山中間有之又方蛇形如牛
皮高五寸縱橫各二尺其色黃黑其行如矢發吐氣如
爨烟腥不堪聞見人近輒迸出脊中黑水射之中者立

斃粵西近楚山中有之 顧渚山記顧渚山潁石洞有
綠蛇長可三尺餘大類小指好棲樹杪若輦帶纏於柯
葉間無螫毒見人則空中飛 鄴中記甄后既入魏宮
宮庭有一綠蛇口中恒有赤珠若梧子大不傷人人欲
害之則不見矣每日后梳粧則盤結一髻形於后前后
異之因效而為髻巧奪天工故后髻每日不同號為靈
蛇髻 事物原始菜花蛇綠色江西人捕之以作蛇卦
隨所蟠之形則曰某卦以斷禍福俚俗信之 酉陽雜

俎藍蛇首有大毒尾能解毒出梧州陳家洞南人以首
合毒藥謂之藍藥藥人立死取尾脂反解毒藥 山海
經神囷之山其下有白蛇 北史魏爾朱新興曾行馬
羣見一白蛇頭有兩角呪之求蓄牧蕃息自是牛羊馳
馬日覺滋盛 風俗通馮緄發綬笥有二赤蛇分南北
走卜云此吉祥也君當為邊將以東為名果為大將軍
遼東太守 本草圖經烏蛇一名香蛇背有三稜色黑
如漆性至良不噬物多在蘆葦中嗅其花氣或乘南風

而吸其蛇烏身光頭眼有赤光腹下有白帶子一條又江東一種名黑梢蛇能纏物至死亦其類也又名烏梢蛇 朝野僉載商州有人患大瘋家人惡之山中為起茅舍有烏蛇墜酒罌中病人不知飲酒漸差罌底見蛇骨方知其由也 水經注漢水又東合洛谷谷有二源多五色蛇性馴良不為物毒 東齋記事隋王世充討李密夜有斑蛇長丈餘向寢屋作聲如牛而吼 北戶錄嘗至雷州對岸倚舟候風勢見羣小兒簇二巨蛇各

長丈餘一如孔雀尾毛色金翠奪目一如真紅色鮮明
若血又有十餘頭白蛇前後相次若導從俱入一榕藤
竅內竟不復去故知蛇有草木水土四種其類不可窮
也 寰宇記滇池黃津江有大蛇名曰青蔥好食人

本草青蝱蛇一名青竹蛇綠色善緣木及竹上此蛇最
猛或於草莽中吐絲成網伺人過則出螫但目盲無見
又名盲蛇專伺網動以螫人又名竹根蛇大者長四五
尺尾三四寸有黑點者名鳩尾蛇毒尤猛 事物紺珠

青靈蛇靈亦作蛉產珠白如玉 錄異記黃領蛇長一
二尺色如黃金居石縫中欲雨之時作牛吼聲中人亦
死四明山有之 山堂肆考赤蝘蛇赤灰色好吞鼠雀
亦喜螫 一統志黃花蛇出溫江長百餘丈神光照三
百餘步口吐椒梅花香熏灼三十餘里 談苑施黔州
多白花蛇螫人必死縣中板簿有退丁者非蛇傷則虎
殺之也州連蠻獠三月草長蛇盛則蛇防戍至九月草
衰蛇向蟄則又防秋矣居民造毒藥取蛇倒懸之以刀

刺其鼻下以器盛其血第一滴下用以毒人立死故也
取第二第三四者每血一滴以麪和作四丸中此毒者
先吐血須臾五臟壅滿潰爛李純之少監云惟朱硃膏
可治此毒純之以藥救人無數仍刻其方以示土民

山堂肆考蘄州有白花蛇一名褰鼻蛇諸蛇鼻向下此
蛇鼻獨向上頂有方勝尾有指甲人劃破其腹則自赴
水中以指甲洗去其腸蟠屈而死可治風疾 華夷鳥
獸考白花蛇頭長小角絳尾生佛指甲項遶真珠白點

欽定四庫全書

雜錄類
卷九十九

背纏方勝花紋諸蛇死閉眼睛是則眼開如活舒靳連
界上殺獲者則兩眼一閉一開驗此可辨偽真性毒善
螫人足中者輒自斷之補養已痊木接代步 蛇譜飛
蛇大不過錢圍長七八尺不等去頭尺許有兩翅如伏
翼狀棲於林木往來飛搏小鳥為食見人輒飛來齧一
齧即斃斃則先取以食之然後呼羣蛇共享懼金持寸
鐵擊之即不敢來烏沙國人採樵者佩小鑼隨行隨鳴
蛇聞聲則頭腹痛展轉於樹不敢動以毒弩射之則斃

山海經鮮山多鳴蛇狀如蛇四翼音如磬見則邑大
旱蛇譜啼蛇三足前二後一三角中短左右長色紫
綠白三種長十餘丈善作小兒啼晝則無聲每日落後
即啼至旦出烏思藏山中又有歌蛇長五尺大一拱不
食生物專食山間瓜果之類不齧人人以其不為民物
害亦不忍傷也東印土及緬甸永昌界俱有之每至秋
清風明月之夜輒長歌如蚓然有節韻抑揚婉轉儼若
刻羽流商又鼓子蛇形如鼓圓而且匾大至合抱高一

尺眼目鼻舌俱生平面四川天全土司中有之每風雨
將至雌雄相應而鳴其聲如撾鼓大有漁陽三弄之韻
又百樂蛇出越裳氏國每至春日融和風光淡蕩則出
聚鳴草莽中或作絲竹聲或作金石聲或為擗鼓鳴鑼
聲或為喇叭長號作天鵲聲簫管琵琶百樂畢備故曰
百樂蛇國人聞其聲大喜多置酒相賀謂年必豐人無
疾厄蓋瑞蛇也 山海經陽山多化蛇狀如人面豺身
鳥翼蛇行音如叱呼見則邑大水 山海經泰華之上

削成而四方有蛇名曰肥蠃六足四翼見則天下大旱
又渾夕之山有蛇一首兩身名曰肥遺蛇譜一角蛇
黔東粵西山中多有其色赤黑相間赤處如火焰黑處
如光漆又雙身蛇一頭兩身雌雄自具自為合單日糞
從雄尾出雙日糞從雌尾出三月則交五月卯生如雞
卵七月子育九月子成自覓食是蛇長五六尺亦有八
九尺者不滿丈喜捕鼠及狸出占城國緬甸滇西亦有
則食魚鰕善泅水面人以其善捕鼠嘗蓄於家然能為

苗害又五頭蛇一身五頭各有雙目各各吐舌海南山
中頗多嘗入水捕魚鰕為食爾雅軹首蛇注岐頭蛇
也今江東呼兩頭蛇為越王約髮亦名弩弦南越志
兩頭蛇無毒夷人餌之南史紀僧真遭母喪開冢得
五色兩頭蛇本草兩頭蛇大如指見之令人不吉一
頭無目一頭無口二頭俱能行出會稽嶺表錄異兩
頭蛇嶺外多此類時有如小指大者長尺餘腹下鱗紅
背錦文一頭有口眼一頭似頭而無口眼云兩頭俱進

退亦謬也昔孫叔敖見之不祥乃殺而瘞之恐他人見復受其禍南人見之如常其禍安在事物原始兩頭蛇兩頭俱能行以桑薪燒之則足出嶺南異物志韶

州多兩頭蛇為蟻封以避水蟻封者蟻子聚土為臺也蒼梧亦多兩頭蛇長不過一二尺或云蚯蚓所化明

道雜志黃州有小蛇首尾相類因謂兩頭蛇余視之其尾端類首而非也土人言此蛇老蚯蚓所化無甚大者其大者不過如大蚯蚓七修類藁世言有見兩頭蛇

者必死弘治間餘杭方萬初過新嶺因倦少憩樹下見
蚯蚓白頸者長尺餘蛻於路左須臾出兩頭蛇蜿蜒而
去竟亦無恙 物類相感志按字林云蟬即大蛇也出
華回唯啖小蛇及蝮如一張其口蛇蝮即自吸去也

格物論一種形類於蛇浮游水上不傷人其名曰蛇婆
五雜組江南有花地遍狀如小蛇螫立殺人嶺南有
夜虎此其類也 華夷珍玩考石蛇盤曲似蛇但無首
尾內空紅紫著色又如車螺雖與石螭類同不知何物

所化以左盤者為善

蛇異 穆天子傳天子遺其靈鼓乃化為黃蛇 韻府

靜江灘中雷公逐一黃蛇人以石投之蛇鏗然有聲乃

得一銅劍 金樓子孔子夢三槐間豐沛市有赤飈起

呼顏回子夏往觀之見赤蛇化為黃金上有文曰卯金

刀後高祖起豐沛 杜陽編開成初宮中有黃色蛇夜

自寶庫中出游於堦庭間光彩照灼不可擒捕宮人擲

珊瑚玦擊之遂并玦而亡去掌庫者具以事告上令徧

搜庫內乃得黃金蛇而珊瑚玦貫其首上熟視之曰昔隋煬帝為晉王時以黃金蛇贈陳夫人吾不知此蛇得自何處左右因覩領下有阿廢字上曰果不失朕所疑耳阿廢煬帝小字也遂命取玻璃連環繫於玉玦之前足其後更不復見焉以玦能啗蛇也 寓簡宣和間蔡州有一士人家書室中忽然見小蛇文章陸離蜿蜒几格間見人不驚畏不敢傷也每日惟已時則見至午乃隱去日日如此士人異之因伺其至則捕之置鐵絲藍

中途午視之則堅冷化為石矣其質巧妙天成雖鬼工不能加也明日巳時則復蠕動既又復為石而屈伸蟠結之狀日日不同士人寶蓄持至京師見中人梁師成梁嘆曰此神物造化之所寓也禁中有玉鼠玉兔以其時見則其物也士遂獻之 梁四公記西海西北有女國以蛇為夫男則為蛇不噬人而穴處女為臣妾官長而居宮室 鳥獸考真臘王宮之中有金塔王夜則卧其上土人皆謂塔之中有九頭蛇精乃一國之土地主

也係女身每夜則見王先與之同寢交媾雖其妻亦不敢入二鼓乃出方可與妻妾同睡若此精一夜不見則蕃王死期至矣若王一夜不往則必獲災禍 玄中記東海蛇丘之地險多漸洳衆蛇居之無人民蛇或人頭而蛇身

格致鏡原卷九十九

欽定四庫全書

格致鏡原卷一百

大學士陳元龍撰

昆蟲類 五

蝸 附 蛭 蟬

爾雅疏蚘蝨一名蛭蟬郭云即蝸牛也按本草蝸牛陶注云生山中及人家頭形似蛭蟬但背負殼爾 山海經注僕纍蝸牛也 古今注蝸牛陵螺也形如蛭蟬殼如小螺白色生池澤草木間頭有兩角行則觸警則縮

首尾俱能藏入殼中盛夏日則自懸樹葉下以其有兩角故名牛一名土蝸一名附羸野人謂圓舍如蝸牛故曰蝸舍亦曰蝸牛之子舍蝸殼婉轉有文章絞縛為結似螺殼文故曰螺縛童子結髮亦曰螺髻亦謂其形似螺殼也 莊子注李云蝸蟲有兩角俗謂之蝸牛三蒼云小牛螺也俗名黃犢 埤雅蝸肉中醢內則曰蝸醢是也蝸涎規蝸每為蝸牛所食先以涎畫地規之蝸不復去南方積雨蝸涎書畫屋壁悉成銀迹 酉陽雜俎

睿宗為冀王時寢壁間蝸迹成天字掃之數日如初及即位雕玉鑄金為蝸形置道釋像前

蜒蝚 山堂肆考蛞蝓俗呼涎牛又名蜒蝚身有涎好游下濕處頭有二角如蝸牛而無殼 格物總論有二角身止一段肉而無殼者謂之蛞蝓 本草蛞蝓一名陵蠡一名附蝸一名蠡牛亦曰瓜牛 事物原始蛞蝓二角蝸牛四角兼背有殼肉負而行則蛞蝓蝸牛是二物矣

蟻

通志蟻蟻糞土中大白蟲也 本草一名蟻蟻一名蟻
齊一名勃齊 埤雅蟻蟻在糞草中外黃內黑亦或謂
之蟻蟻也大者如足大指以背行乃駛於脚造化權輿
云蛇豸腹竄蟻蟻背行今俗謂之蟻蟻方言曰蟻蟻謂
之蟻 本草蟻蟻一曰乳齊一曰應條又名地蟻狀似
蟻而大身短足長有毛以背滾行捷於足皆濕熱氣薰
烝所化宋齊丘言燥濕相育不母而生久則羽化去

三教珠英蒿成蟻螯 庶物異名疏蟻螯莊子云烏足
根所化淮南云黍成論衡云蟻螯化為復育復育轉而
為蟬 方書蟻螯烝熟食明目擣生汁滴入目中去翳
障 宣室志蟻螯嘗化一白衣美丈夫自言齊人曹氏
子

蟻螯

埤雅蝓一名蟻螯一名蝓蝓佶屈曲貌以形舉也 爾
雅疏蝓之在水中者方言云關東謂之蟻螯梁益之間

謂之蝸上文蝸蛭郭云木中蠹下文蝸桑蠹郭云即
蛭蛭然則蝸蟻也蛭蛭也桑蠹也蝸也一也以其白而
長故詩人以比婦人之頸碩人云領如蝸蟻是也 埤
雅蝸蟻生於木中內外潔白符子所謂石生金木生蝸
是也 本草蝸蟻食木心穿如錐刀身長足短口黑無
毛節至春羽化為天牛

螳螂

禮記仲夏之月螳螂生鄭注螳螂螳螂母也 爾雅疏

不過一名螻蟻一名螻娘 方言譚魯以南謂之螻蟻
三河之域謂之螻螂燕趙謂之蝕𧈧齊杞以東謂之馬
穀 說文螻娘一名𧈧父 呂覽高誘注螻娘世謂之
天馬以其驤首奮臂頸長而身輕其行如飛有馬之象
埤雅螻娘有斧蟲也兗人謂之拒斧其臂如斧奮之
當轍不避捕蟬而食執木葉以自蔽蟬將去而未飛為
之一前一却莊子曰螻娘執翳而搏之見得而忘其形
蓋謂是也世云螻娘所執之翳可以蔽形 正字通螻

蜋羽蟲之摯者搖肩搜食他蟲翼下紅翅如裙裳俗謂織絹娘腹中有二蟲如黑線江東呼石娘又名甌肱

類從螳娘之氣含之生火 韓詩外傳齊莊公出獵有

螳娘舉足將搏其輪問其御曰此何蟲對曰此螳螂也

為蟲知進而不知退不量力而輕就敵公曰此為天下

勇蟲矣迴車避之勇士歸焉 七修類藁螳娘草蟲也

飲風食露感一陰之氣而生能捕蟬而食故又名殺蟲

曰天馬言其飛捷如馬也曰斧蟲以前二足如斧也尚

名不一各隨其地而稱之深秋生子於林木間一殼百子至此時則破殼而出藥中桑螵蛸是也 鄰幾雜志

吳春卿云往年學中置一桑螵蛸於筆格上一旦撲緣者無數檢月令視之乃螳螂生月日也 孫炎爾雅正

義螳螂深秋乳子至夏之初乃生是也亦生百子如蠶斯云 爾雅疏螳螂子一名蜚蛸一名蜉蝣一名螵蛸

蜉蝣

古今注蜉蝣能以土芭屎轉而成丸團正無邪角一名

蛭蜣一名轉丸一名弄丸 莊子蛭蜣之智在於轉丸

抱朴子玄蟬潔饑不羨蜣螂穢飽 關尹子蜣螂轉

丸丸成而精思之而有蜣白者存丸中俄去殼而蟬彼
蜣不思彼蜣奚白 埤雅衝波傳曰蛭蜣無鼻而聞香

黑甲翅在甲下五六月之間經營穢場之下車走糞丸
一前挽之一後推之若僕人轉車久之輒羽化如尸解

仙去也 格物論蜣螂蛭蜣也黑甲蟲噉糞一種大者

名胡蜣螂身黑而光腹翼下有小黃子附母而飛行晝

不出而夜出至人家庭戶中見燈光則飛來一種小者
身黑而暗晝出而夜不出生長沙池澤中狐遇之必盡
食之醫家以鼻頭扁者為良或又以鼻高目深者為良
即所謂胡蜨蛭也 庶物異名疏天柱蜨蛭也見說文
本草蜨蛭一名推車客鐵甲將軍一名黑牛兒俗呼
矢甲 方書蜨蛭治瘕癰癩疾狂陽驚癇凡箭鏃入骨
用巴豆微炒同蜨蛭搗塗發癢癢極拔鏃愈

諸蟲

附無名蟲

埤雅蠋大蟲如指似蠶一名厄 爾雅翼蠶百萬為族
蠋則獨行故詩以比獨宿者 管子夫龍欲小則化為
蠶蠋 廣志蠶蠋有五采者香槐蠋五采有角者甚臭

山堂肆考蛭一名蛆渠一名馬蚰一名馬蛭一名蜚
一名緯骨蟲一名百節蟲一名刀環蟲一名商距一名
馬軸一名馬陸身如槎節節有細感文蓋百足蟲也莊
子曰夔憐蛭蛭憐蛇言夔以少而羨多蛭以有而羨無
蓋蛇無足夔一足蛭百足 博物志馬陸萬足蟲蛭之

大者又名馬軸中斷成兩段頭尾各行而去 事物紺
珠飛蛇長五六寸夏月登樹鳴冬則蟄 說文雖蟲名
似蜥蜴而大 淮南子蟄知雨至世謂之猥狗知天雨
則預於草木及橋下乾處藏其身矣 物類相感志鱉
乃代 淮南子曰兔齧為鱉許慎云兔所齧沫著者為鱉
反

如蟲而斑色能齧人 墨客揮犀齧蟲狀似蟬形小而
扁隱屋壁及書冊中前有兩長足似蟹螯觸後則旁行
觸前則却行有鄭房秀才因揭策見之指撥之為所螫

遇良醫治之曰此名惡颯不治殺人 通雅齋音最即

蚤蠱之名 物類相感志蚌其狀類蜥蜴在水中能吞

人吞人之後浮出水上若昏醉之狀土人知其食人必

醉伺以殺之 續明道雜志黃州雨後泥中有蟲如細

蚓長尺餘土人謂之蠱言或人踐之至其所踐處皆圻

裂 五嶽游草一種令人胃中生土一塊土内生稻芒

針刺心而死名稻田蠱北邊亦有之 事物紺珠十二

時蠱出南海似大蜥蜴一日一夜隨十二時變其色乍

赤乍黃傷人立死 墨客揮犀凡夜食必以燭余一夕
大醉渴甚取水將飲聞水中有聲急呼燭觀之得一蟲
如蚯蚓細而長問左右曰水蠱蟲也入腹中食人腸胃
楊慎外集隋書志云江南之地多蠱以五月五日聚
百種蟲大者至蛇小者至蟲合置器中令自相啖因食
入人腹內食其五臟死則其產移蠱主之家若盈月不
殺人則畜者自踵其害累世相傳不絕自侯景之亂殺
戮殆盡蠱家多絕既無主人故飛游道路中之則殞焉

今此俗移於滇中每遇亥夜則蟲飛出飲水其光如星
鮑照詩所謂吹蠱痛行暉也予親見之 范石湖集蠱

毒在上則服升麻吐之在腹則服鬱金下之或合升麻
鬱金服之不吐則下李巽巖侍郎燾為雷州推官鞠獄
得此方活人甚多 搜神記曇游道人清苦沙門也剡
縣有一家事蠱人噉其食飲無不吐血死游嘗詣之主
人下食游依常呪願一雙蜈蚣長尺餘便於盤中跳走
游便飽食而歸安然無他 風俗通恙毒蟲也喜傷人

古人草居露宿相勞問曰無恙 廣韻恙噬蟲善食人
心也 史通春秋莊公二十九年有蜚劉歆以為蜚負
蠶也劉向以為非中國所有南越盛暑男女同川澤淫
風所生是時莊取齊淫女為夫人既入淫於兩叔故蜚
至 山堂肆考蜚能飛本生於草八九月知寒多入人
家屋中逃避好以清旦入田中吸稻花日出則散去
爾雅疏蜚一名蠪蜚有云蜚蠪一名蜚者非也此蟲一
名負盤有以為即負蠶者因草蟲負蠶相涉而誤也

韓非子蟲有虺者一身兩口爭相齕也遂相食因自殺
巢元方病源伏蟲長四寸羣蟲之主虺蟲長五六寸
至一尺發則心腹作痛白蟲長一寸色白頭小令人腰
疼肉蟲狀似爛杏令人煩悶肺蟲狀如蠶令人咳嗽胃
蟲狀如蟄令人嘔逆弱蟲亦名膈蟲狀如爪瓣令人多
唾赤蟲狀如生肉動作腹鳴蜣蟲至微形如菜蟲居腸
中令人生癰疽疥匿諸蟲皆依腸胃間氣實則不為害
虛則變生諸疾也 草木子疥有蟲使明者針而取之

其大不以半粟也膚革完全乃因人氣血不和而化生者續博物志有小蟲至微而響甚尋之卒不可見號竊蟲大如半胡麻有兩角白色振其頭則有聲孟康朝作賦比之鬼魅物類相感志嚮蟲人行山慮迷取一枚握手中行路不迷庶物異名疏泥無骨蟲也在水則活失水則醉如泥然故少陵詩先拚一飲醉如泥蟬史泥一名沙噀正字通豉蟲大如豆光黑浮游水面葛洪肘後方治射工毒成瘡口不能語用豉母蟲一

枚口中含之即瘥 本草會編蠟蟲食冬青樹汁久而
化為白脂粉敷樹枝人謂蟲屎著樹而然至秋刮取以
水煮溶濾置冷水則凝結成塊炙文理如石膏而瑩徹
可和油作燭 羣芳譜蠟蟲微時白色大如雞虱作蠟
及老則赤黑色乃結苞於樹枝初若黍米大入春漸長
大如雞頭子紫赤色累累抱枝宛若樹之結實蓋蟲將
遺卵作房正如雀壅螬蛸之類俗呼為蠟種亦曰蠟子
子內皆白卵如細蟻一色數百凡寄子皆於夏前三日

內從樹上連枝剪下去餘枝獨留寸許令抱木或三四顆乃至十餘顆作一簇或單顆亦連枝剪之剪訖用稻穀浸水半日許漉取水剝下蟲顆浸水中一刻許取起用竹箸虛色之大者三四顆小者六七顆作一色紐草束之置潔淨甕中若陰雨頓甕中可數日天熱其子多併出宜速寄之寄法取箸色剪去角作孔如小荳大仍用草繫之樹枝間其子多少視枝小大斟酌之枝大如指者可寄枝太細幹太粗者勿寄寄後數日間鳥來啄

箸包攫取子勤驅之天漸暖蟲漸出包先緣樹上下行
若樹根有草即附草不復上又防蟻食蟲故樹下須芟
刈極淨次行至葉底棲止更數日復下至枝條齧皮入
啞食其脂液因作花狀如凝霜 白獺髓廣中韶陽屬
邑鄉中有乳蟲一名土蛹其法掘地成窖以粳米粉鋪
入窖中覆以草壅以糞候雨過氣蒸則發開粉化成蛹
如蟻螯狀取蛹作汁和粳粉蒸成乳食味甚甘 五侯
鯖絲蟲生南寧橫州食楓葉能作絲光明如琴絃 淮

南萬畢術竹蟲飲人自言其誠高誘注以竹蟲三枚竹黃十枚和勻每用一大豆許燒入酒中令人飲之勿至大醉叩問其事必得其誠也 正字通樟蟲入醋死引

其腹中筋長丈餘閩人用以緣蒲葵扇名曰蠶絲 廣

博物志肅慎氏之國有蟲獸首蛇身名曰琴蟲 洪武

正韻強米中蟲 爾雅疏米穀中蠹小黑蟲江東謂之

蜚建平人呼蜚 五雜組余行部至安丘一門人家取

草蟲有子者煤黃色入饌余詫之歸語從吏云此中珍

品也名蚰子縉紳中尤雅嗜之 祝允明野記公牒列
海味名有毛蛭竹蛭 演繁露方言曰蟻蚘謂之尺蠖
郭璞釋之曰步屈也步屈云者一步一屈也多在桑上
其體質似蠶色灰褐而身瘦長其腹下兩頭有足足亦
如蠶每欲進步先聚屈其體前後幾相連著而脊背橋
起直如筭釵兩頭環曲之處也此其所以為屈也已屈
而聚聚已而舒則遂寸寸前進是其所以為伸也吾鄉
俗呼度鐸音蟲度者蠖音之訛也 埤雅尺蠖一名蜎蚘

似蠶而絕小行則促其腰乃能進步食葉老亦吐絲作室舊說尺蠖之繭化而為蝶亦猶蛹之變蛾也 亢桑子夫俗隨國政之方圓猶尺蠖之於葉也食黃則身黃食蒼則身蒼 搜神記南方有蟲名蠹蝓一名蜎蠹又名青蚨形如蟬而稍大味辛美可食生子必依草葉大如蠶子取其子母即飛來不以遠近雖潛取其子母必知處以母血塗錢八十一文以子血塗錢八十一文一云母塗錢子塗貫每市物或先用母錢或先用子錢皆

復飛歸輪轉無已故淮南萬畢術以可還錢名曰青蚨
爾雅蜉蝣渠畧郭璞注似蜉蝣身狹而長有角黃黑色
叢生糞土中朝生暮死豬好食之邢昺疏南陽以東曰
蜉蝣梁宋之間曰渠畧淮南子蜉蝣不食不飲二日
而死詩疏蜉蝣方土語也通謂之渠畧似甲蟲有角
大如指長三四寸甲下有翅能飛夏月陰雨時地中出
今人燒炙噉之美如蟬也樊光曰是糞中蠋蟲隨雨而
出朝生而夕死埤雅蜉蝣似天牛而小翕然生覆水

上尋死隨流朝生暮殞有浮游之義故曰蜉蝣也 本草衍義蚰蟥濕生蟲也多足色如蚰背有橫文蹙起大者長三四分磚甃及下濕處多有之 埤雅伊威甕器底蟲形似白魚而大爾雅曰伊威委黍一名鼠婦食之令人善淫術曰鼠婦淫婦是也亦曰鼠負一名鼠姑或謂之鼠粘鼠婦猶鼠姑也鼠粘猶鼠負也因濕化生今俗謂之濕生 鄭箋蚰蟥家無人則生 本草蚰蟥似小蜈蚣青黑色長足能溺人影一名蠓螋或曰蚰螋長

一寸身有毛長五六分脚多而甚細居屋壁間遇人影輒糞之糞著即生瘡如短狐之溺影也爾雅螻蛄銜入耳注蚰蜒象蜈蚣黃色而細長案方言云蚰蛄自關而東謂之螻蛄或謂之入耳或謂之蜚蠊趙魏之間或謂之蚰蛄北燕謂之蚰蛄江東人呼蜚皆今蚰蛄喜入耳者也雨航雜錄淮南子云昌陽去蚤蠱而來蚰蛄害小而來患大蚰蛄即蚰蛄也聞人髮脂油香則入人耳及諸竅中昌陽香酷能召是物故淮南子以為喻是

物好濡雨升高則焦死故曰蛉窮一曰陵窮乘陵則窮也 五雜組蛉窮者入耳之蟲也說者以為蚰蜒郭氏曰蚰蜒大者如釵股色正黃其足無數如蜈蚣然則今之蠼螋也蠼螋能以溺射人成瘡亦不聞有入耳者吳人又以蝸牛之無角者為蚰蜒非蚰蜒也 邢疏蟻蟬又名蚋甲蟲也大如蠅虎豆綠色 事物紺珠蛄蟻又名塘蟻一頭數尾長二三尺左右有脚如蠶可食 柳州集蝨蚋者善負小蟲也行遇物輒持取印其首負之

背愈重其背甚澀物積因不散卒躓仆不能起人或憐之為去其負苟能行又持取如故好上高極其力不已至墜地死 齊民要術穀蟲曰蚘蚋 譚子化書蟻蚋盜人蟲生蟻蚋者腸中之蟲也 儒門事親鐵生蟲鐵器久置則起泡中生蟲如粟黑身黃首疾足 草木子一民家鐵鍋底下起一鐵泡捉破有一紅嘴蟲其走如飛其嘴至硬是金鐵中亦有蟲也 酉陽雜俎木僕尾若龜長數寸居木上食人 李石續博物志南方水癡

似鼻涕聞人氣閃閃而動就人體成瘡以硃砂麝香塗之愈 楊慎外集石尤江中水蟲名此蟲出必有惡風舟人目打頭風曰石尤風猶嶺南人云颶風黃河人曰孟婆也 陳藏器本草砂俘一名砂按子有毒能殺飛禽走獸生砂石中形如大豆背有刺能倒行旋乾土為孔常睡不動一名睡蟲生取之置枕中令夫妻相悅北夢瑣言砂俘又名倒行狗子蜀人號曰俘鬱愚始游成都與賣草藥李山人相熟見蜀城少年往往欣然而

訪李生仍以善價酬因詰之曰媚藥徵其所用乃砂倖
與陳氏所說同李生亦秘其所傳之法人不可得也武
陵山川媚草無賴者以銀換之有因其術而男女發狂
罹禍非細也 物類相感志土蛻今山石井坎間生焉
其狀類鰻黃灰色翻躍之際日曜則微有金色有兩耳
聳立於腦後能偷水雖高山絕頂亦能引之江東人呼
為馬土蛻或云凡發洩洪水皆其興妖天將雨或時見
吐雲氣一名堆龍 酉陽雜俎雷蜺大如蚓以物觸之

乃臧縮圓轉若鞠良久引首鞠形漸小後如蚓焉或云
齧人毒甚 遁甲開山圖霍山南岳有雲師雨虎注雲
師如蠶長五六寸有毛似兔雨虎長八九寸似蛭雲雨
之時出在石上肉甘可食 江鄰幾雜志曹方湖為御
史嘗刷卷四川言彼處萬山深雪中出雪蛆官府遣軍
士四山高處懸望雪中蠕蠕而動者則往取之渾如小
豬無口足眼鼻儼然蛆形也其身全脂切片而食不易
得也 草木子雪蠶生陰山北及蛾眉山北二山積雪

不消生蛆大如瓠俗呼雪蛆味甘美可食 癸辛雜志
西域雪山中有蟲如蠶其味甘如蜜其冷如冰名曰冰
蛆能治積熱 癸辛雜志凡海舟必用大板護其外不
然則船身必為海蛆所蝕 蟬史海蛆極細蟲也能蝕
海船久則船壞舟人以火熬船底垂涎如鼻涕蛆死矣
酉陽雜俎象浦川渚有水蟲攢木食船數十日船壞
蟲甚細微 蟬史水蛆俗呼蚩蟲生積水中屈伸反覆
于水長二三分大如針夏月浮水面化為蚊 蟬史蛆

蠅所育也埤雅曰蠅懷蛆縈利蓋蛆初生如粟未頃之
長大善腐內多生糞溷中及肉豉內皆有之 事物紺
珠水蠱似鰕無鬚六足身扁黑色能化蜻蛉 本草水
黽亦名水馬長寸許羣行水上水涸即飛去食之令人
不渴但有小毒 五雜組水馬逆流水而躍水日奔流
而步不移寸尺兒童捕之輒四散奔迸唯嗜蠅以髮繫
蠅餌之則擒抱不脫釣至案几而不知也 陳藏器本
草溪狗生南方溪澗狀似蝦蟇尾長三四寸治溪毒遊

蠱燒末水服效 事物紺珠山蛩烏斑色長二三寸生
林間如百足而大取其一節燒灰服之令人惡聞酒氣
酉陽雜俎天牛黑甲蟲也長安夏中此蟲或出於籬
壁間必雨 墨客揮犀嶺南有異蟲如蚯蚓長尺餘嘴
利如錐多夜出半身著地半指空而行或有誤觸之者
直入人心腹食人至死乃出土人目之為夜虎甚畏避
之 酉陽雜俎號州有蟲名謝豹常在深土中小類蝦
蟇而圓如毬見人以前兩脚交覆首如羞狀能穴地如

鰐鼠頃刻深數尺或出地聽謝豹鳥聲則腦裂而死俗
因名之或曰謝豹人也抱恥死其魄為蟲潛行地中羞
見人掘出之猶以足覆面作忍恥狀 投荒雜錄有水
蟲名諾龍狀如蜥蜴微有龍狀俗云此蟲飲食即出水
據石上凡水族游泳過者至所據之石即跳躍自置其
前因取食之有得者必雙雄者既死雌者即至雌者死
亦然俗傳以雌雄俱置竹中以節間之少頃竹節自通
里人貨其殭者以蜂俱用為婦人惑男子術 莊子蟲

生竈下其狀若脫名為鵲掇十日化為鳥 彙苑詳註

青牛花葉上青蟲也有兩角如蝸牛然 正字通斑貓

亦名蟹螯 吳氏本草斑猫一名斑蚝一名龍蚝一名

斑龍茵一名勝髮一名晏清 本草經一名龍尾 山

堂肆考陶氏曰斑貓一蟲五變二三月在芫花上名芫

青四五月在王不留行上名王不留行六七月在葛花

上即名葛上亭長八月在豈花上即名斑貓九十月欲

還地蟄即名地膽本草注地膽出幽州芫青出寧州亭

長出雍州斑猫所在有之陶氏又曰亭長身黑而頭赤
如人之玄衣赤幘故云亭長 本草經地膽黑頭赤尾
真者出梁山狀如大馬蟻有小翼子偽者即是斑猫所
化狀如大豆 雷公炮製芫蜻形類斑猫但芫蜻嘴尖
而背上有黃痕一畫斑猫背上黃黑各一嘴尖之上
一點小赤好食荳葉亭長色黃黑食蔓汁而赤頭額上有
大紅一點其身亦黑 北戶錄金龜甲蟲也五六月生
於草蔓上大於榆莢細視真帖金龜子行則成雙其蟲

死金色隨滅如螢光也南人收以養粉云與養粉相宜
鳥獸續考金龜子俗呼紅娘亦有具五色者外方作
下氣強陰之用 嶺表錄異金龜子大如小指甲飛時
即不類南人採之陰乾裝以金翠為首飾之物亦類黔
中所產青蟲子也 宋祁益部記利州金蟲體如蠶綠
色光若泥金 竺法真羅浮疏山有金花蟲文采如金
形似龜 事物紺珠蝦蟇蟲蜻蜓點水生子草上青鮑
魚食之腹脹孕蟲噬破母腹出身似蟬黑色及蛻乃為

蟬 虎薈土鰲俗呼蚌虎蚌者屋蠹也此物氣能禁蠹
令蠹盡死故曰蚌虎又名簸箕蟲 埤雅土鰲一名麇
一名地鰲一名過街言逢申日則過街殆與鷓鴣忌庚
申燕避戊巳無異也 賈子說林孫鳳有一琴人唱曲
則琴弦自相屬和琴背有一孔若蛀者一日有一道人
乞食見之曰此中有蛀不除之則皆速朽因袖中出一
小竹筒倒黑藥少許孔側有一綠色蟲出背上隱隱有
金線文道人納蟲竹筒中竟去自是彈唱琴弦不復鳴

矣有博物君子說及此事嘆曰此異寶也謂之鞠通有
耳聾人置耳邊少時即愈喜食枯桐尤愛古墨鳳始悟
道人竹筒中藥蓋古墨屑也 白澤圖千歲木中有蟲
名曰賈誼狀如豚食之如狗肉味 感應經陽遂蟲其
背青黑腹下白有五足長短大小皆等不知首尾所在
生時體軟死則乾脆 庶物異名疏魯仲連引古語馮
功之蟲三斷不僵馮功蟲名 嶺表錄異龐降生嶺南
橄欖樹上形如蜩蟬腹青而薄其名自呼但聞其聲鮮

能得之人求之為媚藥 莊子乾魚骨之沫為斯彌注

斯彌蟲名也 莊子羊奚比乎不蓐久竹生青寧注青

寧蟲名 續博物志唐武德四年官市郎中有疑為狼

筋者有老僧云貧道昔曾以一千於賈胡市得三枚狀

如巨蛹兩頭光帶黃色涇帥段祐宅失銀器十餘集奴

婢環庭炙之蟲慄動有一女奴臉脣潤動乃竊器者

丹鉛總錄說文鼃匣鼃也揚雄訓纂說匣鼃為蟲名按

臨海水土志鼃似龜一名匣鼃又名鼃鼃一枚有三斛

膏 字林聒聽蟲名似蜥蜴出魏興郡居樹上下齧人
輒上樹垂頭聽哭聲乃去 本草丹戩一名飛龍生蜀
都如鼠負青股蜚頭赤七月七日採主心腹積血又益
符一名無舌可療閉疾又扁前主鼠瘻癰利水道生山
陵如牛蚤翼赤 山堂肆考佗負蟲似促織而白色雙
鬚甚長無翼不能鳴偃背長股善跳好居下濕地雌雄
未嘗相離 正字通吉丁蟲背綠翅在甲下出嶺南
淮南子注朝菌朝生暮死之蟲也生水上狀如蠶蛾一

名孳母南海謂之蟲邪 本草別錄天社蟲狀如犬大
腰食草木葉主絕孕益氣 酉陽雜俎抱槍水蟲也形
如蛞蝓稍大腹下有刺以槍如棘鍼螫人有毒碎車蟲
狀如唧唧蒼色好棲高樹上其聲如人吟嘯終南有之
其大而黑者聲亦呼唧唧俗呼沒鹽蟲 庶物異名疏
益州有蟲曰壓油者形似水鳧每自春時從水出自呼
其名入因而採取以重物壓之油即津津油罄皮存投
水復生蓋亦一種業報內典所謂壓油殃者是也 酉

陽雜俎食膠蟲夏月食松膠前脚傳之後脚聶之內之
尻中 宣室志吳郡陸顥幼嗜麵有胡曰君好食麵腹
有蟲耳因出藥令顥餌之頃吐出一蟲長二寸許色青
狀如蛙胡曰此名銷麥蟲實奇寶也以麵斗餘食之立
盡胡扁之金函以金玉繒帛數萬為獻乃捧函而去歲
餘胡拉顥至海上投前蟲於油中煉之七日有一人瑤
冠霞衣齋一珠至徑五寸許奇光泛空光照數百步胡
喜而受之絕燎收蟲蟲跳躍如初於是齋珠入海繫隨

珠光所及水皆豁開迺入龍宮鮫室恣取珍異而出更厚贈陸 爾雅蟻齧桑注似天牛長角體有白點喜齧桑樹作孔入其中江東呼為齧髮 爾雅疏蠶與父一名守瓜黃甲小蟲喜食瓜葉因名守瓜 古今注結草蟲一名結葦好於草末折屈草葉以為巢窟處處有之採蘭雜志結草蟲一名水螺一名蓑衣丈人 異苑有小蟲形色如大豆呪令叩頭又呪令吐血皆從所教如欲請放稽顙輒七十而有聲故俗呼為叩頭蟲 山

海經狻猊之山有蝮蟲色如綬文鼻上有針名反鼻蟲
大者重百餘斤 事物紺珠鼻涕蟲泥壁未乾揮涕其
上化蟲如蚓 本草青腰蟲如蟻大赤色腰中青黑尾
尖有短翅能飛春夏有之性太毒著皮肉腫起 物類
相感志獨足蟲形如小蜂黑色連樹不能去人取帶之
令人媚夫妻相愛五六月采而得之此蟲多出南中

山堂肆考應聲蟲生人腹中若有言小蟲者輒應之惟
讀本草至藍則默然以藍汁飲之則吐出肉塊長二寸

餘人形悉具服雷丸數粒即愈 事物紺珠寫字蟲如

大黑豆施行水面 酉陽雜俎南中有蟲名避役一名

十二辰蟲狀似蛇醫脚長色青赤肉鬣暑月時見之籬

壁間俗云見者多稱意事其首倏忽更變為十二辰狀

酉陽雜俎負子水蟲也有子多負之 詩豳風註宵

行蟲名似蠶夜行喉下有光如螢 東方朔別傳漢武

帝幸甘泉坂馳道有蟲蟠而覆地赤如生肝頭目口鼻

耳齒盡具東方朔曰此蟲名怪哉秦始皇拘係無罪幽

殺無辜衆庶愁怨咸仰首嘆曰怪哉怪哉憤氣之所生也此地必秦之故獄處也詔按地圖果秦獄也上曰當何以去之朔曰凡積憂者得酒而解以酒灌之當消於是取酒取蟲置酒中須臾糜爛上賜朔帛百疋後屬車上載酒為此也 玄山記元載以鼻聞酒氣便醉人以爲可治即取針挑載鼻尖出一小蟲曰此酒魔也聞酒即畏之是日載徑飲至二斗五日倍是 事物紺珠溪鬼蟲似蛄蜣大如雞子一角長寸餘角四岐黑甲下有

翅能飛佩其角辟水毒 爾雅蜺縊女注小黑蟲赤頭

喜自經死故曰縊女 異苑縊女長寸許頭赤身黑恒

吐絲自懸昔齊東郭姜既亂崔杼之室慶封殺其二子

姜亦自縊俗傳此婦骸化為蟲故以縊女名蟲也 異

物志郎君子生南海有雌雄青碧色狀若兩擘杏仁欲

驗真假先含口內令熱然後放醋中雌雄相趁逡巡便

合即下其卵如粟粒狀乃真也婦人臨產手執之便生

子 事物紺珠豆娘子如蜻蛉極小堅翅紅娘子似莎

雞頭翅赤 東坡志林雍丘令米芾有書言縣有蟲食
麥葉不食實既食其葉則實自病為害甚於蝗有小甲
蟲見輒斷其腰而去俗謂之旁不肯 五雜組山東草
間有小蟲大僅如沙礫嗜人痒痛覓之即不可得俗名
拿不住吾閩中亦有之俗名没子盖烏有之意也視山
東名為佳矣

無名蟲 南史王敬則少時於草中射獵有蟲如烏豆
集其身摘去乃脫其處皆流血敬則惡之詣道士卜道


士曰此封侯瑞也 酉陽雜俎溫會在江州與賓客看
打魚漁子一人忽上岸狂走溫問之但反手指背不能
語漁者色黑細視之有物如黃葉大尺餘眼遍其上齧
不可取溫令燒之方落每對一眼底有嘴如釘漁子出
血數升而死莫有識者 酉陽雜俎河南少尹韋絢少
時嘗於夔州江岸見一異蟲初疑一棘刺從者驚曰此
蟲有靈不可犯犯之或致風雨韋試令踏地驚之蟲飛
伏地如滅細視地上若石脈焉良久漸起如舊每刺上

有一爪忽入草疾走如箭竟不知何物 博物志蒼梧人卒便有飛蟲大如麥有甲或石餘或三五斗米食之如風雨之至斯須而盡人以為患不可除唯畏梓木自後以梓木為棺更不復來 廣古今五行志隋大業末洛陽有染傳尸病者其兄氣未絕其弟見一物自死人口中出躍入其口即病歲餘卒臨終戒妻子破喉腦視之如其言於腦中得一物形如魚有兩頭相並遍體有肉鱗置鉢中跳躍不止投以諸味及毒藥皆成水偶以

小龍投之此物即惶遽奔擲頃刻銷化 酉陽雜俎唐

嘗有士人客游十餘年歸莊莊在登封縣夜久士人睡未著忽有火星發於牆堦下初為螢稍稍芒起大如彈丸飛燭四隅漸低輪轉來往去士人面纔尺餘細視光中有一女子貫釵紅衫碧裙搖首擺尾具體可愛士人因張手掩獲燭之乃鼠糞也大如雞棲子破視有蟲赤首青身殺之 嶺南異物志五嶺春夏率皆霖水晴日既少涉秋入冬方止凡物皆易蠹敗萌膠氈罽無逾年

者嘗買芥置壁下忘食數日皆生四足蟲有首尾能行走大如螳螂但腰身細長耳



格致鏡原卷一百